

Proud Papua New Guineans... Say YELLO with...



SEKIM BALENS

1. Raitim niupela SMS
2. Salim igo long 1256
3. Well na kism balens toksave

Call 24/7 Customer Care on 345 6789



INTANET LONG FONE BLO YU

Lo K49 Tasol




CORAL 285

FM Radio, Text, Intanet, Vols Kol, Kaka Skrin

EM TAIM BILONG GIVIM BEK OL RIT PEPA

08 Ogas, 2012




NUPELA GAVMAN...PNC Pati lida Peter O'Neill (namel) bai fomim nupela gavman wantaim (L-R) Don Polye (T.H.E.), Sir Julius Chan (PPP), William Duma (URP), Patrick Pruiatch (NA), Anderson Agiru (PUA) na Powes Parkop (SDP) bihain long Andrew Trawen i givim bek ol rit pepa aste, na Sir Michael Ogio i tok orait long PNC fomim gavman. *Poto: Nicky Bernard*

O'Neill bai fomim nupela gavman

GG kism bek ol rit pepa

Aja Alex Potabe i raitim gia, na lida bilong Pipols Nesenel Konagres (PNC) Pati, Peter O'Neill, long fomim nupela gavman long ronim namba 9 Nesenel Palamen bilong Papua Niugini.

Taim Sir Michael Ogio i kism bek ol rit pepa bilong Ilek-sen 2012 long Sif Ilek-toral Komisina Andrew Trawen aste 3-kilok apinun

I go moa long pes 2

K49



WWW.DIGICELPNG.COM



Tems na Kondisens aplai



...the perfect choice

VITAMIN ENRICHED

More Easy, More Tasty, More Healthy.



Ol yangpela PNG YWAM i gat salens

Veronica Hatutasi i raitim

OL YANGPELA bilong PNG i gat salens long yusim save bilong ol long tingting, glasim na skelim gut ol samting mekim ol samting i kamap.

Elias Wape i wanpela yangpela man bilong Sauten Hailans Provins, tasol i wanpela memba bilong Youth With A Mission (YWAM) i beis long Perth, Westen Australia, i tok.

Elias i bin wanpela long moa long 100 YWAM memba long PNG na ovasis i bin kamap long Mosbi long las wik long stap insait long namba wan bung bilong ol long PNG na tu, lonsim YWAM Konpresns i bin kamap long Jubili Baibel Kolis long Renbo, Nesenel Kapitel Distrik.

YWAM em i wanpela misin ogenaesen sampela sios i bung wantaim na kamapim. Ol i gat 800 beis long moa long 100 kantri long wol.

Bikpela trening senta bilong ol i stap long Kona, Hawaii, wanpela stet long Yunaited Stes bilong Amerika.

Moto o het tok bilong YWAM em, "Save long Bikpela na Mekim Olgeta kantri i save Long en".

I gat moa long 18,000 ful taim YWAM misinari long wol i gat krismas long 18 yia na i go

antap namel long 40 na 50 krismas. Tasol hamas krismas man na meri i gat i no wanpela banis bikos wanpela memba bilong ol em lapun man i gat 88 krismas.


Elias i bin stori wantaim Wantok Nius na tok wanpela long ol bikpela progrem we YWAM i save wokim long PNG em long Mesi Medikal sip i karimaut ai, tit na jenerel medikol helt kea long ol ruel Galp na Westen Provins.

Elias i tok stsat yet long yia 2010, Mesi sip i mekim ron bilong em bihain long tripela mun insait long wanpela yia i go long ol ruel eria bilong tupela provins (Galp na Westen) na sekim na stretim ol pipel i gat sik long ai, tit na ol nara-pela moa sik.

Em i tok dispela em i hap long Kristen misinari ministri we ol lain i wok long sip ministri i save mekim. Tupela sip ministri i beis long Taunsvil (Townsville) na Perth. Long PNG, Asembli ov God (AOG) Sios i save ogenaism ol progrem bilong YWAM.

Long PNG, beis bilong YWAM em long Hagen na Yonki.

Bikpela samting em long trenim ol yangpela pipel long helpim ol long pesenel divelopmen na kamap ol lida insait long ol komyuniti na kantri.



YWAM invites you to a Breakfast on board the Pacific Link to showcase its operations in the Gulf & Western Province

Date: Tuesday, 24th July 2012
Time: 6.45am for 7am start - 8am
Venue: Steamships Coastal Shipping

RSVP:
 18 July 2012
 Jennifer Rentsch & Wanita Wakus
 jenniferr@ywamtownsville.org
 WWakus@steamships.com.pg
 322 0425



MISIN WOK: Ol YWAM yangpela I mekim ol dentol na sekim ai wok long ol siklain long Galp na Westen provins.

Yangpela Elias i stap long Perth, Westen Australia long 5-pela yia nau na em i wokim lidasip trening long ol wan wan ministri. Em i pilim olsem em i nidim moa taim long stap long hap na kisim moa trening na save na bihain, em i ken kam long PNG na go hetim ol samting em i lainim long hap.

"Trening bilong mi em long lainim wok long ol wan wan misin olsem disaipel trening we em i wok long ministri

wantaim ol asples pipel o aborijinis, lidasip trening we em i stap wantaim ol 300 ful-taim YWAM memba na 34 pikinini we ol mama i karim long hap yet.

Mipela i stap olsem famili. Mi wok long lainim moa yet. Tasol taim mi bin gon pastaim, mi bin kisim kalsa sok bikos kain stap bilong ol long Australia i narakain long laipstail bilong yumi long PNG.

"Tasol sapos yumi putim

tingting wantaim, bai yumi lukim samting i kamap," Elias i tok.

Em i tok em i pilim olsem Bikman i laikim em stap long kisim moa trening, na em bai wokim dispela olsem na i karim kaikai.

"Bai mi nidim moa taim long kisim moa trening na tingting bilong mi i ken kamap gut-pela", Elias i tok.

GG kisim ol bek ol rit pepa

i kam long fran pes

long Gavman Haus, em i askim O'Neill long fomim nupela gavman bikos PNC Pati bilong en i gat 27-pela Memba ov Palamen (MP), husat i winim dispela ileksen. Palamen bai sindaun gen dispela wik Fraide (tumora) long makim nupela praim minista, palamen spika na deputi palamen spika, na i luk olsem O'Neill bai kisim bek dispela namba wan sia bilong ronim gavman.

Bihain long Trawen, i givim bek long Gavana Jeneral ol rit pepa bilong 106 ilektoret -

16 provinsal na 89 open ilektoret, long pasim ileksen 2012, Sir Micahel Ogio i tok, aninit long Seksen 63 bilong Ogenik Loa bilong Integriti ov Politikel Pati na Kendidet (OLIPPAC), em i nau luksave long PNC olsem politikel pati wantaim bikpela namba inap long fomim nupela gavman.

"Long nem bilong pipel bilong Papua Niugini, mi in-vaitim PNC Pati bilong yu long fomim nupela gavman," Sir Michael i tok.

O'Neill i tok em i amamas long kamapim wanpela

strongpela gavman long kari-maut, ol polisi bilong PNC na tu ol polisi bilong ol arapela kolisen patna wantaim long kirapim dispela kantri.

"Mi amamas long kisim dispela invaitesen i kam long Gavana Jeneral long fomim nupela gavman bilong yumi. Mi tok tenkyu long ol pipel long bilip strong long pati bilong yumi, PNC, na tu mi laik tok tenkyu long ol kolisen patna long respekim laik bilong pipel taim ol i sapatim PNC long fomim gavman," O'Neill i tok.

Em i tok ol PNC Pati polisi em i bin yusim long mekim kempen, em ol tru tru samting pipel i bilip olsem dispela ol polisi i ken senisim laip na sosaiti bilong yumi.

Ol lida bilong kolisen patna husat i bin stap wantaim O'Neill aste long Gavman Haus em ol Pipols Progres Pati (PPP) lida Sir Julius Chan, T.H.E. Pati lida Don Polye, Yunaited Risos Pati (URP) lida William Duma, Pipols Yunaited Asembli (PUA) Pati lida Anderson Agiru, Nesenel Alaiens (NA)

Pati lida Patrick Pruaitch, na Sosel Demokretik Pati (SDP) lida Powes Parkop.

Long wankain taim, Trawen i tokaut olsem kantri i bin gat gutpela ileksen dispela yia.

"Dispela ileksen em i bin gutpela stret, na mi laikim 2017 tu mas kamap moa beta stret, we pipel bai makim lida bilong ol gut. Mi amamas long olgeta lain husat i bin sapatim Ilektoral Komisn long karimaut fri, fea na seif ileksen 2012," Trawen i tok.



Usino Jangsen pipel laikim tumas Wantok Niuspepa

OL PIPEL bilong Usino Jangsen long Usino-Bundi LLG nau i no save isi long resis long kisim Wantok Niuspepa long ridim. Olgeta Fraide, Ramu NiCo i save givim ol fri kopi long ol i ken rid na save long wanem samting i kamap insait long Madang provins na kantri. Ramu NiCo i save givim ol fri Wantok Niuspepa tu long ol pipel insait long Raikos na Basamak we rifaineri i sanap long en. Wankain pepa i save go long ol pipel mak long Tapo wara, na i go olgeta long Walum na Banu Bris insait long Usino-Bundi stret. Astingting long givim fri pepa em long halivim ol pipel i ken ritim na save long ol senis i kamap insait long Madang, kantri, na wol, bai ol tu i ken senisim pasin bilong ol na kamap gutpela man-meri. Dispela foto i soim ol pipel long Usino Jangsen Maket i resis long kisim kopi bilong Wantok. - Poto na Stori: Matthew Yakai

TELI Apdeit

Citifon SMS Vois & Data Top-Ap

Risasim Vois Akaun bilong Yu

1. Skrapim silva panel long baksait bilong Telikad/Rait Kad long kisim 12-pela namba.

2. Opim nupela SMS

3. Taipim V bilong vois, na bihain long en, taipim * na bihain Telikad/Rait Kad Namba

4. Salim i go long 1257

5. Wet long kisim SMS toksave bekim bilong yu

E . g T a i p i m (V*xxxxxxxxxxxx) salim i go long 1257

Risasim data akaun

1. Skrapim silva panel long baksait bilong Telikad/Rait Kad long painim 12-pela namba.

2. Opim nupela SMS

3. Taipim D bilong data, na bihain long en, taipim * na bihain Telikad/Rait Kad Namba

4. Salim i go long 1257

5. Wet long kisim SMS toksave bekim bilong yu E.g Taipim (D*xxxxxxxxxxxx) salim i go long 1257

Sekim Data (D) o Voice (V) Balens bilong yu

1. Opim nupela SMS

2. Taipim V o D na salim i go long 1256

3. Wetim balens toksave bekim bilong yu



Namah nogat namba

Aja Alex Potabe i raitim

MEMBA bilong Vanimo-Green, na PNG Pati lida, Belden Namah i nogat namba long fomim nupela gavman, tasol nau yet em i strong yet olsem em bai kamap praim minista bilong Papua Niugini long dispela namba 9 palamen.

Tasol em i bilip strong yet olsem em bai kamap praim minista bikos ol i save fomim gavman long floa bilong palamen, i no long Alotau o Kokopo.

Taim Namah na ol 8-pela PNG pati memba bilong en i mekim kem long Rapopo Plentesen Risot long Kokopo, Is Nu Briten Provins, keteka Parim Minista Peter O'Neill, na ol gren kolisen patna bilong en i mekim kem long Alotau, Milen Be Provins.

Pipols Nesenel Kongres (PNC) Pati bilong O'Neill i gat moa long 26-pela memba husat i winim sia, na i luk olsem Gavana-Jeneral Gren Sif Sir Michael Ogio bai tokim grup bilong en long kam fomim nupela gavman sampela taim dispela wik bihain long em i kisim bek olgeta rit pepa bilong 111-pela sia.

Taim Alotau kem bilong O'Neill i gat moa long 68 memba i kam long ol kolisen patna, ol ripot i tok Namah i gat 13-pela memba tasol i stap wantaim em long Kokopo kem.

Ol 8-pela em i PNG Pati memba yet olsem Sam Basil (Bulolo) na Francis Potape (Komo-Margarima). Atoni Jeneral na Memba bilong Rabaul, Dokta Allan Marat, tu i stap wantaim Namah long Kokopo.

PNG Pati bilong Namah i kisim sapot bilong Melanseaian Liberal Pati (MLP), Kolisen fo Rifom Pati (Coalition for Reform) Pati na Pangu Pati.

I luk olsem Namah i tingting long pulim ol arapela indipenden memba i go long kem bilong en long Kokpo.

Tasol sapos em i sot long namba long fomim nupela gavman, em bai kalapim floa bilong Palamen i go

hap sait, na kamap Oposisen Lida taim poroman bilong en, O'Neill i kamap praim minista.

Long Alotau, O'Neill i no pret long wanpela man bai kisim ples bilong en olsem praim minista bikos planti pati wantaim bikpela namba i stap baksait long PNC.

Nesenel Alaiens (NA), Pipols Progres Pati (PPP), T.H.E. Pati, Yunaitet Risos Pati (URP), Pipols Yuanitet Asembli (PUA), Pipols Demokretik Muvmen (PDM), Sosel Demokretik Muvmen (SDM), Pipols Pati (PP), Indijines Pipels Pati (IPP), Yunaitet Pati (UP), Our Dvelopmen Pati (ODP), na ol indipenden memba i sapotim O'Neill long fomim nupela gavman.

Ol tripela lapun papa bilong PNG, Gren Sif Sir Michael Somare, Sir Julius Chan, na Paias Wingti tu i stap baksait long O'Neill long skelim ekspirens bilong ol, na sapotim PNC long soim stretpela rot wantaim gutpela lidasip long larim pipel i bilip long Mama Loa na ol lida.

Namah em i wanpela kain lida, husat i no save pret tu long wanpela man o wanpela samting. Em i bin ron i go insait long Suprim Kot na tokim olgeta ami na polis long holim Sif Jastis Sir Salamo Injia taim em i bin harim kot i stap long Kot Rum namba tri.

Em tasol i bin mekim ol namba wan wok long rausim bipo praim minista, Sir Michael Somare, long mun Ogas las yia.

Namah i bin sanap long fran lain bilong pait taim em i bin wok ami, na tu em i bin go kamabus long Bomania bihain long 1997 militeri mutini long Moem Bareks.

Olsem na nogat wanpela man i save long wanem kain samting Namah bai mekim long floa bilong palamen, bikos long maus bilong en yet, em i wok long tokaut olsem 'gavman save kamap long floa bilong palamen, i no long Alotau, o Kokopo.'

Register NOW for New Mobile Banking

Step 1 *131#
Send

Step 2
Enter your 16 Digit Card Number. Send

Step 3
Create and Confirm your 4 Digit mPIN

Step 4
Start Banking:
1. Account Enquiries
2. Funds Transfer
3. Top Up Services
4. My Services
5. Help



*Digicel Customers Only

Find Us On:



For more information call 320 1212



Niupela Maggi

MagicTeist

Wanpela kain kukiing pauda

Bai givim **BEST** teist long kainkain kuk



2012 Ileksen Kaunim



RESIS BILONG 2012 NESENEL ILEKSEN

Simbu Provinsal			
HOAH KOOL	Ind	36, 671	
JOHN GARIA	PNGP	22, 124	
JOHN KERENGA	PP	20, 485	
Isten Hailans Provinsal			
SAMUEL SHI	PMFC	46, 910	
PETI LAFANAMA	PNC	38 823	
BARRY HOLOWE	Ind	37, 373	
Enga Provinsal			
PETER IPATAS	PP	110, 269	
SANDY TALITA	T.H.E.	72, 771	
KENNETH KORAKALI	Ind	54, 184	
Westen Hailans Provinsal			
PAIAS WINGTI	PDM	77, 137	
TOM OLGA	T.H.E.	67, 177	
WAI RAPA	Ind	35, 062	
NCD Provinsal			
POWES PARKOP	SDP	26, 380	
WARI VELE	PNC	17, 309	
MIACHEAL KANDIU	Ind	11, 480	

ILEKTORAT WIN PINIS LONG EN

Hela Provinsal			
ANDERSON AGIRU	PUA		
Komo-Margarim Open			
FRANCIS POTAPE	PNGP		
Tari-Pori Open			
JAMES MARAPE	PNC		
Koroba-Kopiago Open			
PHILIP UNDIALU	T.H.E.		
Sauten Hailans Provinsal			
WILLIAM POWI	PNC		
Imbonggu Open			
FRANCIS AWESA	PNC		
Mendi Open			
DE KEWANU	Ind		
Nipa Kutubu Open			
PESAB KOMAL	PNC		
Ialibu Pangia Open			
PETER O'NEILL	PNC		
Kagua-Erave Open			
JAMES LAGEA	Ind		
Enga Provinsal (I no yet)			
Lagaip-Porgera Open			
NIXON MANGAPE	Ind		
Kandep Open			
DON POLYE	T.H.E.		
Kompiani-Ambum Open			
John Pundari	PP		
Wabag Open			
ROBERT GANIM	Ind		
Wapenamanda Open			

RIMBINK PATO			
Westen Hailans Provinsal (I no yet)			
Mul-Baiyer Open			
KOI TRAPE	PNC		
Dei Open			
WESLEY NUKUNDJ	PP		
Hagen Open			
WILLIAM DUMA	URP		
Tambul Nebilyer Open			
BENJAMIN POPONAWA	T.H.E.		
Jiwaka Provinsal			
DOKTA WILLIAM TONGAMP	NGP		
Angilimp-South Waghi			
KOMUN JOE KOIM	Ind		
Jimi Open			
MAI DOP	URP		
North Waghi Open			
DOKTA FABIAN POK	URP		
Simbu Provinsal (I no yet)			
Kundiawa Open			
TOBIAS KULANG	PNGCDP		
Gumine Open			
LUKAS DEKENA	PNGP		
Sinasina-Yongomugl Open			
KERENGA KUA	Ind		
Chuave Open			
WERA MORI	T.H.E.		
Kerowagi Open			
CAMILLUS DANGMA	Ind		
Karimui-Nomane Open			
MOGEREMA SIGO WEI	PP		
Isten Hailans Provinsal (I no yet)			
Daulo Open			
RON GANARAFO	Ind		
Goroka Open			
BIRE KIMISOPA	Ind		
Henganofi Open			
ROBERT ATIYafa	Ind		
Kainantu Open			
JOHNSON TUKE	Ind		
Lufa Open			
JEFFREY KUAVE	PNGCP		
Obura-Wonenara Open			
MEHRRRA MINNE KIPEFA	SAP		
Okapa Open			
ISAAC WAIGAVARA	PNC		
Unggai-Bena Open			
BENNY TIPOTIALLEN	PNC		
Bogenvil Provinsal			
JOE LERA	URP		
Sentral Bogenvil Open			
JIMMY MIRINGTORO	PNC		
Not Bogenvil Open			
LOUTA ATOI	PNC		
Saut Bogenvil Open			
STEVEN KAMMA	URP		

UP			
Sentral Provinsal			
KILA HOADA	Ind		
Abau Open			
SIR PUKA TEMU	ODP		
Goilala Open			
DANIEL MONA	PNGP		
Rigo Open			
ANO PALA	PNC		
Kairuku-Hiri Open			
PARU AIHI	PNC		
Is Nu Briten Provinsal			
LEO J DION	T.H.E.		
Gazelle Open			
MALAKAI TABAR	MLP		
Kokopo Open			
EREMAN TOBAINING	PNC		
Pomio Open			
PAUL TIENSTEN	PUAP		
Rabaul Open			
DOKTA ALLAN MARAT	MLP		
Westen Provinsal			
ATI WOBIRO	PUA		
Not Fly Open			
BOKA KONDRA	PNC		
Midel Fly Open			
ROY BIYAMA	PNC		
Saut Fly Open			
AIDE GANASI	PNC		
Gulf Provinsal			
HAVILA KAVO	PNC		
Kerema Open			
RICHARD MENDANI	PNGCP		
Kikori Open			
MARK MAIPAKAI	T.H.E.		
Wes Sepik Provinsal			
AMKAT MAI	T.H.E.		
Telefomin Open			
SOLAN MIRISIM	Ind		
Vanimo-Green Open			
BELDEN NAMAH	PNGP		
Nuku Open			
JOE SUNGI	NA		
Aitape-Lumi Open			
PATRICK PRUAITCH	NA		
Oro Provinsal			
GARRY JUFFA	PMCP		
Sohe Open			
DELLILAH GORE	T.H.E.		
Jjivitari Open			
DAVID ARORE	T.H.E.		
Manus Provinsal			
CHARLIE BENJAMIN	PNC		
Manus Open			
RONNY KNIGHT	NGP		
Nu Ailan Provinsal			
SIR JULIUS CHAN	PPP		
Keviang Open			

BEN MICAH			
Namatanai Open			
BYRON CHAN	PPP		
Wes Nu Briten Provinsal			
SAINDRAN MUTHUVEL	CRP		
Kandrian-Gloucesther Open			
JOSEPH LELANG	CRP		
Talasea Open			
FRANCIS MARUS	PNGP		
Morobe Provinsal			
KELLY NARU	Ind		
Finschhafen Open			
THEO ZURENUOC	PPP		
Huon Gulf Open			
ROSS SEEYMOUR	PNGP		
Kabwum Open			
BOB DADAE	PNC		
Lae Open			
LOUJAYA TONI	IPP		
Menyamy Open			
BENJAMIN PHILIP	URP		
Nawaeb Open			
GISUWAT SINIWIM	PNC		
Bulolo Open			
SAM BASIL	PNGP		
Tewai-Siassi Open			
MAO ZEMING	PNC		
Makham Open			
PAUL ISIKIEL	PNC		
NCD Provinsal (I no yet)			
Mosbi Not Wes Open			
MICHEAL MALABAG	PNC		
Mosbi Not Is Open			
LABI AMAIU	PMCP		
Mosbi Saut Open			
JUSTIN TKATCHENKO	SDP		
Milen Be Provinsal			
TITUS PHILEMON	PPP		
Samarai-Murua Open			
GORDON WESLEY	PNC		
Esa'Ala Open			
DAVIS STEVEN	PP		
Kiriwina-Goodenough Open			
DOUGLAS TOMURIESA	T.H.E.		
Alotau Open			
CHARLES ABEL	PNC		
Is Sepik Provinsal			
MICHAEL SOMARE	NA		
Wewak Open			
JIM SIMATAB	NA		
Wosera-Gawi Open			
JOSEPH JERRY	SDP		
Maprik Open			
JOHN SIMON	NA		
Ambunti -Dreikikir Open			
EZEKIEL ANISI	PPP		
Angoram Open			
LUDWIG SCHULZE	PANGU		
Yangorru-Saussia Open			

RICHARD MARU			
Ind			
Madang Provinsal			
JIM KAS		PNGP	
Madang Open			
NIXON DUBAN		PNC	
Bogia Open			
JOHN HICKEY		NA	
Usino- Bundi Open			
ANTON YAGAMA		URP	
Rai Coast Open			
JAMES GAU GELAK		T.H.E.	
Sumkar Open			
KEN FAIRWEATHER		PNC	
Middle Ramu Open			
ASSIK TOMSCOLL		PDM	

NAMBA BILONG MEMBA LONG PATI

Pipols Nesanel Kongres Pati (PNC)		27
Indipenden (Ind)		14
Triump Herites Empawamen Pati (T.H.E.)		11
Papua Niugini Pati (PNGP)		8
Yunaited Risos Pati (URP)		9
Pipols Progres Pati (PPP)		6
Nesanel Alaiens Pati (NA)		6
Pipols Pati (PP)		4
Pipols Yuanited Asembla Pati (PUA)		3
Kolisen fo Rifom Pati (CRP)		2
Melanesian Liberal Pati (MLP)		2
PNG Kantri Pati (PNGCP)		2
Pipols Muvmen fo Senis (PMFC)		2
Nu Jeneresen Pati (NGP)		2
PANGU Pati (PANGU)		1
Pipols Demokretik Muvmen (PDM)		1
Indijenes Pipols Pati (IPP)		1
Awa Dvelopmen Pati (ODP)		1
Yanaited Pati (UP)		1
PNG Konstitusenal Demokretik (PNGCDP)		1
Stas Alaiens Pati (SAP)		1

'Namel man bai nogat'-Amaiu

Aja Alex Potabe i raitim

NOGAT wanpela namel man bai stap long givim sevis i go daun long ol pipel bilong Mosbi Not Is. Nupela Memba bilong Mosbi Not Is, Labi Amaiu, i tokaut long ai bilong ol sapota, kaunim opisal, na sekyuriti fos olsem em i nau redi long wokbung wantaim ol pipel bilong 8 Mail, 9 Mail, Erima, Gordons, 6

Mail na 5 Mail. Amaiu i mekim dispela toktok hap aste nait taim Ritening Opisa (RO) bilong Mosbi Not Is, Douglas Harry, i bin tokaut olsem em i wina na nupela memba bilong Mosbi Not Is ilektoret. "70 pesen bilong ilektoret bilong mi em i setelmen. Maski mipela i stap long siti, nogat gutpela gavman sevis i go insait long ol dispela ples," Amaiu i tok. Peoples Movement for

Change (PMCP) Pati kendidet Amaiu i tok i gat bikpela salens tru i stap long Not Is bikos planti manmeri long hap i no save wok, planti stap long setelmen, na sampela manmeri i stap turangu yet. "Mi bai pinisim hap wok we Andrew Mald i lusim na go aut. Mi bai nonap wok wantaim ol brif kes keria o ol namel man. Mi bai kam daun long level bilong yupela na bai yumi olgeta wok bung

long kirapim laip na sindaun bilong yumi, na tu bilong dispela siti wantaim," Amaiu i tok. Maski ol i ron long nara-pela politikel pati, Amaiu i singautim tupela open memba bilong Mosbi Saut na Mosbi Not Wes, na tu gavana bilong NCD, long wokbung wantaim em long provinsal level long kirapim na senisim Mosbi Siti. Amaiu i win long 8, 673 vot bihain long eksklusen

namba 47. Long eksklusen namba 46, ol i rausim siting memba Andrew Mald, na skelim ol balot pepa bilong en namel long John Kaupa na Amaiu. Bihain long en, Amaiu i abrusim 8, 658 absolut majoriti mak na kisim 8, 673 vot taim PNG Pati kendidet Kaupa i bin kisim 8, 642 vot. Kaunim bilong Mosbi Not Is i bin isi isi tru bikos sampela asua i bin stap long 12-pela balot bokis, we

sampela ol skutinia na ol opisal i tok dispela ol bokis i gat ol balot pepa i gat asua long en. Ilektoral Komisin i bin kisim 4-pela nupela RO na ARO long stretim dispela asua na hariapim ol kaunim bilong balot pepa. Aninit long was bilong RO bilong Kimbe Alois Valuka, na tripela ARO bilong en, ol i hariapim ol kaunim proses na tokaut long wina hap aste nait long 6-kilok.



2012 Ileksen Kaunim



Enga ileksen kam gut tru, i no olsem bipo - Ipatas

Aja Alex Potabe i raitim

EKSEN Gavana bilong Enga, na Pipols Pati (PP) LIDA, Peter Ipatas, i tok ileksen long Enga i kam gut tru na i no olsem bipo we planti nogut samting i save kamap long Ileksen taim.

Em i mekim dispela toktok bihain long sampela ol kendidet long Enga yet i mekim ol sut toktok agensim em yet, na Memba bilong Kompiam-Ambum, John Pundari, olsem tupela i bin mekim ol paul

pilai long winim bek sia bilong tupela.

"Ileksen long Enga i bin kam gut tru. Bipo pait save kamap, ol i save stilim ol balot bokis na pepa, blut i save kapsait, na manmeri i save kilim o pait agensim ol yet," Ipatas i tok.

Tasol Ipatas i tok dispela ileksen i no bin bungim ol bikpela hevi, na em i no save olsem wanem sampela ol kendidet i wok long sutim tok i go long em olsem em i bin mekim paul pilai long win.



KLIRIM TOKTOK: Ipatas na Pundari i klarim ol sut toktok i kam long sampela ol arapela kendidet long Enga. *Poto: Aja Alex Potabe*

"Kain lida olsem mi no save long mekim paul pilai. Ol pipel i lukim han-mak bilong mi na ol i bilip long lidasip bilong mi. Noken strong long kisim ples bilong mi bikos ol pipel i givim mi dispela pawa long lukautim ol. Harim gut, lidasip i no samting bilong baim wantaim mani, gan o pait long ileksen taim," Ipatas i tok.

Em i tok ol Enga pipel i soim gutpela pasin long ol arapela Hailans provins bikos ol i no bin mekim bikpela trabel long dispela ileksen

na, em i amamas stret long dispela pasin.

"Mi laik tok tenkyu long ol pipel. Gutpela pasin stret ol i soim na dispela i soim olsem Enga i bilip long fri, fea na seif ileksen. Pipel i makim lida gut tru long laik bilong ol yet, na mi wanpela bilong ol dispela lida pipel i makim long laik bilong ol yet," Ipatas i tok.

Long wankain taim, Pundari i klarim toktok olsem nogat wanpela paul pilai i bin kamap long Kompiam-Ambum.

"Mi no bin harim wanpela paul pilai i kamap long ilektoret bilong mi. Olgeta ol sekyuriti fos i kam stap ya. Ol i lukautim olgeta samting long poling taim," Pundari i tok.

Em i tok sapos ol arapela kendidet bilong Kompiam-Ambum i gat evidens olsem em i bin mekim paul pilai long win, orait ol i mas kisim i go long kot.

"Kot ov Dispiutet Ritens i stap. Kot tasol bai skelim sapos i bin gat sampela asua o nogat. Go long kot na skelim long hap," em i tok.

Sogeri singsing i holim pasin kalsa



KALA NA STAIL: Ol Huli sumatin i putim naispela bilas na kamapim stail bilong ol. *Poto: Aja Potabe.*

Veronica Hatutasi i raitim

OL SUMATIN bilong Sogeri Nesenel Hai Skul (SNHS) i bin kirapim das, kala na amamas long planti manmeri na pikinini las wiken Sande Julai 29 wantaim ol tumbuna singsing, danis na bilas long kaiserel de bilong ol, we i bin lukim tu 70 yia selebren bilon g Kokoda kempen pait long Wol Woa 2.

Planti handret pipel long Sogeri Plato, ol ples klostu na long Mosbi siti tu i bin go antap long kisim naispela win long kantri sait na lukim ol sumatin bilong olgeta hap bilong kantri i soim ol kalsa bilong wan wan provins wantaim ol tumbuna singsing, danis na kain bilas ol i gat long en.

Selebren i bin stat long 10 kilok moning we Kokoda Trek Atoriti (KTA) na SNHS i bin putim kombain progrem long ol toktok na tumbuna singsing na danis long amamasim ol manmeri na

pikinini inap long san i go daun na nait i laik bruk.

Masta bilong seremoni na wanpela SNHS tisa, Duncan Igawa, i tok as tingting long SNHS i save holim Sogeri Singsing Kaiserel So em long mekim ol sumatin i tingim kalsa bilong ol.

"Long SNHS, yumi lukim ol kalsa bilong PNG long wanpela hap. Sogeri em i wanpela spesel skul we ol sumatin i kam long olgeta hap bilon g PNG, tasol ol i yunait i stap o olsem hap tok," Unity in Diversity".

"Tude yumi lukim ol kain kalsa long PNG we ol sumatin i putim kamap. "Cultural identity" o yu bilong wanpela long ol planti kalsa long PNG em skul i soim long ol tumbuna bilas, singsing na danis em i luknais stret long ai bilon g yumi olgeta," Mista Igawa i tok.

Ol sumatin i bin kam gut tru wantaim ol kain bilas long wan wan provins, ol tumbuna singsing na danis i bihainim ol

animal, pisin, pul long kanu, amamas long winim pait na ol arapela moa.

Wanpela grup we i bin kam gut tru wantaim ol gutpela singsing na eksen samsam danis na mekim ol pipel i was i amamas stret em long Sepik grup i gat kombain grup bilong Is na Wes Sepik.

Prinsipel bilong skul, Benny Ryapan, taim em i autim tok amamas bilong em long ol sumatin na tisa long ol wok redi bilong ol dispela selebren na pablik i bin kamap, i tok SNHS i amamas long givim skul long ol yangpela sumatin. Na kaiserel de i bikpela samting long wanem, ol sumatin bai no lusim tingting long ol kalsa bilong ol na givim save i go long ol lain i kam bihain.

"Gutpela de i gat kala na kik. Mi tok tenkyu long ol wok-lain long skul, o tisa, ol sumatin na pablik long kam mekim dispela i wanpela gutpela de," Mista Ryapan, i tok.

NA stap aninit long Pruaitch

GREN Sif Sir Michael Somare i lusim wanpela biknem politikel pati, Nesenel Alaiens (NA), long han bilong wanpela rait han man bilong en, na Memba bilong Aitape-Lumi, Patrick Pruaitch.

Sir Michael, husat i bin stap pati lida bilong NA moa long 20 yia olgeta, i las wik Tunde lusim dispela pati long han bilong Pruaitch.

Pruaitch i bin stap deputi lida bilong NA long Momase Rijen taim NA i bin holim gavman long laspela 9-pela yia.

NA i bin kamap politikel

birua bilong Pipols Nesenel Kongres (PNC) insait long laspela 10-pela mun taim kantri bin ron aninit long was bilong O'Neill-Namah Gavman, tasol bihain long dispela ileksen, O'Neill i tokim NA long kam bungim ol namba bilong en long fomim wanpela strongpela gren kolisen gavman.

"Mi tok amamas na tenkyu long pipel bilong mi long Is Sepik long strongpela bilip ol i gat long mi, na long makim mi gen long kamap lida bilong NA, na gavana bilong ol," Sir Michael i tok.

Em i tok; "Nau em i taim bilong mi long sevim ol pipel long provins level. Bai mi stap olsem memba nating tasol long palamen, na mekim moa wok long ol pipel bilong mi long provins yet bikos dispela em i laspela tem bilong mi long politikis."

Em i tok aninit long NA gavman, kantri i bin lukim ol planti samting i kamap insait long lapsela 9-pela yia.

"NA gavman bipo i bin mekim planti samting tasol sampela ol bikela samting mipela i bin mekim em i olsem kamapim tupela nu-

pela Hela na Jiwaka Provins, multi-bilian-kina PNG LNG Projek, sapatim ol meri long kamapim 22 risev sia long palamen na ol arapela samting," Sir Michael i tok.

Em i tok nau NA em bai stap long sait bilong gavman na, em i laik lukim dispela pati i mekim ol gutpela samting bilong kirapim dispela kantri.

Pruaitch bai lukautim 6-pela NA memba insait long kolisen gavman bilong PNC. Bihain long pati kokas miting, ol pati eksekutiv bai makim nupela lida.



2012 Ileksen Kaunim



Kas redi long klinim Madang

NUPELA provinsal memba bilong Madang, Jim Kas i no wes-tim taim long tokaut olsem em i redi long klinim Madang provins.

Mista Kas i winim 2012 nesene general ileksen taim em i winim foma sif jastis Se Arnold Amet long Madang provinsal sit.

Mista i tokaut long taim bilong deklareren bilong em long Mande moning olsem em i laik bringim bek gutpela nem bilong Madang na klinim ples na mekim Madang i kamap gut wankain olsem bipo.

Mista Kas i tok strong tru olsem husat ol lain i stap long Madang i

mas stap gut na noken bikhet na brukim lo. Wanem pasin nogut ol i gat long en em ol mas larim i stap long ples o hauslain bilong ol na noken bringim i go insait long Madang.

Em i tok olsem yu husat Simbai, Sepik, Hailans o wanem wanem lain l mas noken bringim pasin nogut bilong yu i kam long Madang. Larim ol pasin nogut bilong yu i stap long ples bilong yu na noken bringim long Madang.

Mista Kas i tok tu olsem em bai go het long mekim wanem samting em i tokaut pinis long stat bilong

kempen bilong em olsem em bai bringim namba bilong ol LLG insait long provins i go antap.

Mista Kas i tok planti ol ples i nogut gutpela sevis olsem na long lukim sevises bilong gavman i go daun long ol pipel long distrik em i laik kamapim siks o seven-pela nupela LLG.

Bikpela nois na amamas i bin kamap long taim Mista Kas i winim resis na deklaresen i kamap. Dis-pela win i bin kamap bihain long failol eksklusen bilong meri kendidet Mary Kamang.

Bihain long win bilong em, Mista Kas i kisim balus na go long

Kokopo long joinim kem bilong Belden Namah, husat em lida bilong PNG Pati.

Mista Kas i bin stap gavana pas-taim long Madang long 1997 ileksen. Tasol em i no holim wok longpela taim. Lidasip Traibunel o kot long 2000 i rausim em bihain long Mista Kas i kisim wanpela kar na rot i go insait long eria bilong Madang ples-balus na stopim Air Niugini balus long go. Em i bin spak na mekim dispela pasin. Kot i bin painim em rong na Mista Kas i bin go stap samting yia long haus-kalabus.

Basil askim Iektorel Komisina long wet pastaim

SINGAUT i go aut long stopim rit pepa we i tok wok bilong 2012 nesene ileksen i pinis .

Memba bilong Bulolo, Sam Basil, i tok olsem bihainim ol tok-tok olsem namba wan sindaun bilong Palamen bai kamap long tumora, Fraide Ogas 3.

Mista Basil i askim Iektorel Komisina, Andrew Trawen, long wet pastaim inap kaunim na deklaresen bilong olgeta 111 memba bilong palamen i pinis.

Em i laikim bai olgeta 111 memba bai stap long palamen na votim o makim praim minista na spika.

Mista Basil i tok wok long kaunim ol vot na tokaut long ol wina i go het yet long moa long 10-pela ilektorel long kantri na i no gutpela long givim rit pepa i tok olgeta wok bilong ileksen i pinis.

"Mi singaut long Iektorel Komisina, Andrew Trawen, long sanap strong na noken harim singaut bilong sampela long givim bek ol rit pepa i go long Gavana Jenerel inap olgeta kaunim, tokaut long ol wina na wok bilong ileksen i pinis gut.

Iektoral Komisin luksave long Awesa, Komal

Aja Alex Potabe i raitim

TUPELA kendidet bilong Pipols Nesene Kongres (PNC) Pati bilong Peter O'Neill i nau nupela memba bilong tupela open ilektoret long Sauten Hailans Provins.

Iektoral Komisina Andrew Trawen i luksave long Francis Awesa olsem nupela memba bilong Imbonggu na Pesab Jeffrey Komal olsem nupela memba bilong Nipa-Kutubu open ilektoret.

Ileksen Menesa bilong Sauten Hailans, David Wakias, i tokaut long win bilong tupela hap aste long ai bilong Trawen, na ol nius manmeri long Ileksen Midia Senta long Mosbi.

Resis bilong dispela tupela open sia i bin lukim sampela asua i kamap long taim bilong kaunim ol balot pepa.

"Mi tokaut long ol pipel bilong Nipa-Kutubu olsem mi bin tokim Ritening Opisa, John Harisol, long

noken kaunim 7-pela balot bokis i gat asua long en, na tu noken mekim dikleresen o tokaut long wina bikos sampela asua i bin stap long sampela balot bokis.

Tasol Harsol i bin sakim tok bilong mi na hariap tru tokaut long wina bilong Nipa-Kutubu taim asua i bin stap yet," Trawen i tok.

Wakias, husat i bin givim ful ripot i go long Trawen, i tokaut olsem PNC kendidet Pesab Jeffrey Komal, em i nupela Memba bilong

Nipa-Kutubu, aninit long luksave bilong Iektoral Komisin.

Long wankain taim, Wakias i tokaut tu olsem tru tru Memba bilong Imbonggu em i Francis Awesa, i no Pila Ninigi.

Iektoral Komisin i luksave long Awesa olsem memba.

Sapos Ninigi i pilim olsem Awesa i mekim sampela paul pilai, orait tupela i ken go skelim long Kot ov Dispiutet Ritens.

Wantok Bisnis Indeks OLGETA FONDE

LOANS

VARIOUS INDIVIDUALS, VARIOUS NEEDS

loans by choice not by chance

Foreign Exchange ✓
Asset Finance ✓
School Fee Loans ✓
Personal Loans ✓
Term Deposit ✓

Fast, Quick & Easy **moni plus**
P.O. Box 1746, Boroko, NCD
Tel: 323 3196 / Fax: 323 3408/323410
Email: info@moniplus.com
Mobile: 71933394/71963396/71983398

TRAINING

THE ADVANCE DIPLOMA IN ACCOUNTING.

- Upon completion of the Advance Diploma in Accounting, students are eligible to apply for Bachelor Degree in Accounting at the University of Southern Queensland with the exemption of eight (8) units.
- The Certified Practising Accountants of Papua New Guinea (CPA PNG) has recognised the "ADVANCE DIPLOMA IN ACCOUNTING" as an entry qualification to become a Certified Accounting Technician (CAT) of CPA PNG.
- Advance Diploma in Accounting requires the completion of 10 units (five units per semester).
 - Semester 1**
 - Financial Accounting
 - Management Accounting
 - Intermediate Auditing
 - Introduction of Economic Principles
 - Elements of Information System
 - Semester 2**
 - Corporate Tax
 - Professional ethics
 - Specialized Accounting Practices
 - Quantitative Methods in Business
 - Principles of Management and Marketing

Application is open for **AUGUST INTAKE!**

New Restructure Course

Entry Requirement: Diploma in Accounting from ITI or from other Higher Institutions

Contact ITI Marketing Team on:
POM-PHC 320 2800 ext 129 / 107 / 104 Fax: 320 0513
mob: 7197 2602 / 7683 0523
Email: enquires@iti.ac.pg Website: www.iti.ac.pg
LAE-PHC 472 2740 Fax: 472 0199 Email: enquires.iti.ac@gmail.com

NORTHERN IRELAND INSTITUTE OF BUSINESS AND TECHNOLOGY (BRITISH)
(Accredited & Recognized by UARC, Australia)
web: www.niibt.org.uk

There is always a great demand for trained professionals in Private and Government sectors. The home study courses are written in simple English Language by our experts in Europe.

EDUCATION @ NIIBT BRITISH
Excellence in distance learning

DIPLOMAS HOME STUDY COURSES
"Business" "Marketing" "Purchasing" "Stores" "Logistics" "SCM" "Production" "Customer Service" "Economics" "Accounting" "Finance" "Banking" "Business Law" "HRM" "PR" "Business English" "Coating"
leading to **H.Dip/BBA/MBA/PhD**
By Distance Learning

For details, tick the course(s) you like and POST/FAX/EMAIL this coupon with your name and full address to our Representative below:

VICTORIA BUSINESS CENTRE (WT28/12/PNG)
P.O. BOX 148, 80710 JOHOR BAHRU, MALAYSIA
Fax: 607-3348986 Email: mestika@tm.net.my

Wantok

KI Tasol!!

Em nau! Niuspepa bilong yumi ol PNG stret!!

Nupela **WANTOK BISNIS INDEKS** i kamap insait long niuspepa

Sapos yu laik etvatais insait long Wantok **Bisnis Indeks...**

Ringim Samuel Kolm long fon 325 2500, email: skolm@wantok.com.pg o feks i kam long 325 2579 long stretim wari bilong yul

Wantok

Niuspepa Bilong Yumi Ol PNG Stret!

Haus diwai i gat wok bilong em

...Lukautim man long taim bilong birua Haus diwai i gat wok bilong em
...Lukautim man long taim bilong birua

Veronica Hatutasi i raitim

SOGERI Nesene! Hai Skul (SNHS) au-sait long Pot Mosbi long las wiken i bin lukim tupela samting i kamap we i bin pulim selebresen long kamap.

SNHS i bin kombain wantaim Kokoda Trek Atoriti long selebretim 70 ya

anivesari pait long Kokoda ol i kolim long "Kokoda Campaign", we ol soldia bilong Australia i bin winim ol soldia bilong Japan long namba tu bikipela pait i bin kamap long yia, 1942.

Narapela em long Sogeri NHS Kalsere! De o planti i save kolim na save olsem long "Sogeri Singing" we skul i

save kamapim long ol sumatin i ken tingim na skruim kalsa bilong ol.

Meri Wantok na narapela wanwok bilong em i bin stap long Sogeri long las wik Sande long kisim ol stori na piksa bilong dispela tupela samting taim em i raun na lukim wanpela diwai haus tu i stap long eria we ol selebresen i bin

kamap long en.

Antap long dispela haus, mipela i lukim tupela liklik pikinini meri i putim ol naispela bilas i go na i kam long dispela diwai haus. Na Manea Edewe em wanpela yangpela pikinini man tu i sindaun i stap antap tru long haus ya.

Meri Wantok i singautim em i kam daun na stori long dispela diwai haus, na hia em stori bilong em.

Nem bilong dispela haus em "Dobo Yaga" o Koiari Diwai Haus. Ol pipel bilong Koiari i papa-graun bilong Sogeri na Rouna we wara na pawastesen i save givim pawa i go long Mosbi siti i save kam long en.

Manea Edewe i tok long bipotaim, ol lain bilong ol i save bildim ol dispela Koiari diwai haus long was long ol birua bilong ol taim ol wanpisin pait i kamap, na taim ol i lukim ol i kam, ol i save go na hait long ol haus ya na ol birua i no inap bagarapim o kilim ol. Ol meri na pikinini i save go hait long diwai haus long abrusim ol birua i kilim dai ol.

Manea i tok tude, pasin bilong wan pisin pait i no moa kamap, tasol ol i save yusim Dobo Yaga olsem hap long kalsa bilong ol na long ol kalsere! so olsem Sogeri Singing taim.

Tupela pikinini meri i bin amamas long soim kalsa haus bilong ol wantaim gutpela tumbuna bilas ol i putim long pipel i go lukim diwai haus i ken lukim ol tu, ol i wok long go kam antap long diwai haus na tu, kaikai skon i stap.

PNG i gat moa long 800 tokples na kalsa, na dispela Koiari Diwai Haus i wanpela narapela kalsa samting stret i pulim ai na pipel i laik save long stori na ol i yusim kain haus antap long diwai long wanem samting.

PNG SUSTAINABLE DEVELOPMENT PROGRAM LTD

Givim bek ai wantaim Fred Hollows Faundeses

Taim mi tingting long ol manmeri i lusim ai bilong ol mi luksave long strong bilong dispela samting. Mipela i laki tru long stap long tude we i gat medikal saiens na mobeta save na masin i stap we i ken halivim ol pipel i gat hevi long ai.

Maski planti long ol hevi bilong ai na hat long lukluk i gat tritmen bilong en, planti long ol Papua Niugini manmeri i nogat rot long kisim dispela kain tritmen, bikos ol i stap longwe tumas long rot bilong kisim sevis, o ol i nogat inap moni, o ol i no save olsem dispela kain tritmen i stap.

Olsem na wok bilong halivim wanpela projek bilong givim bek ai long ol arapela em i gutpela samting tru. PNGSDP i sapatim Fred Hollows Faundeses NZ wantaim wanpela grent moni inap long K241,400 long karimaut misin bilong ol, na long kodinetim wanpela bikipela ai helt progrem wantaim ol patna bilong en long PNG, we i lukluk long trenim ol wokmanmeri bilong ai na givim ol ai klinik inap sapat long pasim na tritim ol hevi bilong ai, na pasin apas.

Projek i kamap long Fred Hollows NZ opis long Pot Mosbi Jeneral Haus sik. Aninit long dispela projek, opereting tieta na jeneral ai klinik i bin kamap gut gen, na planti ol rot bilong kisim, sekim na tritim ol sikmanmeri i stap long en. Wanem ol masin i bin bagarap, ol i stretim bek.

Wanpela nupela 'Ai Glas Klinik' em ol i mekim we bipo i bin gat wanpela liklik hap kona tasol i stap. Insait long dispela liklik klinik, ful refraction sevis i bin kirap.

Wanpela gutpela progrem bilong kisim bek ol kos bilong sejeri long ol ketarek, na salim bilong ol ai-glas i op tu. Selim bilong ol spektikol na ol arapela samting bilong wok katim o sejeri, i inapim kostim bilong baim ol masin na pe bilong ol wokmanmeri i stap long lukautim dispela sevis.

Sanap na gutpela wokabaut bilong dispela progrem i min olsem ol sejik! saplai i stap oltaim long Pot Mosbi Jeneral Haus sik nau, na i gat ol ai-glas tu i stap long prais we i gutpela moa bilong ol liklik manmeri long baim. PNGSDP i givim mani bilong kisim masin bilong kirapim Madang Ai Glas Klinik, aninit long nupela skedual bilong baim ol masin.

Stadi bilong ai bilong ol dokta na ol treni i kamap tu. Karikulum bilong ol ai dokta, em ol i raitim gen bilong inapim ol nid bilong ol ai dokta i wok long PNG, na ol arapela hap long Pasifik. Karikulum nau i stap long ol modual, na ol standat na savimek bilong pikinini skul olsem ol ai dokta, em i klia moa.

Fred Hollows NZ i go het long inapim olgeta wok-mak bilong en long givim inap halivim na sapat long ol ai dokta long strongim dispela sevis long fil. Sanapim na opim bilong ai klinik long Madang em ol i yusim olsem wanpela trening hap bilong trenim ol nes long ol haus sik long kantri, na tu long Tabubil, husat i go insait pinis long wanpela wan yia pos pikinini skul osem diploma kos long lukautim ai. Olgeta yia, i gat namel long 8 na 10 save manmeri nes bilong kisim trening.

Olsem wanpela ogenaisesen, mipela i amamas tasol long yusim ol mani i kam long shareholding bilong PNGSDP long Ok Tedi Main bilong bringim kamap gutpela developmen long Westen Provins na long kantri tu. Dispela gutpela projek i wok long givim wanpela bikipela sevis bilong ol pipel, i nidim halivim long ai, long PNG.

I kam long tebol bilong CEO (Article #28 of 2012)

CEO: David Sode



DOBO YAGA: Diwai haus bilong ol Koiari pipel. Foto: Aja Potabe.

Upa sios lida ritaiia long wok misin

Sape Mettai raitim

PNG i wanpela kantri wei no save pasim ol sios wok manmeri, o ol misinari long ovasis i bringim Gutnius i kam long yumi.

Na long gutpela pasin na tingting, yumi mas amamas long ol dispela manmeri long wanem ol i save mekim bikpela wok long autim Gutnius, na tu, skulim na bringim planti helpimi go long ol man meri long lusim

ol pasin nogut, na kamapim gutpela sindaun long ol komyuniti bilong ol.

Nau yet, bikos long hat wok na helpim bilong dispela ol sios wok manmeri, planti ol trabol na bikhet manmeri i lusim ol pasin nogut ol i save mekim, na oli developim ol nupela kain laipstail we i kamapim gutpela sindaun long ol komyuniti bilong ol. Taim yumi harim nem misinari, yumi mas save olsem em ol mesenja we Papa Godi salim i kam long

yumi.

Na long surikim dispela stori i go moa, mi laik stori long wanpela misineri em Reveren Richard Carver na meri bilong em, Margaret.

Taim tupela i bin kamap long PNG olsem misinari wok manmeri, tupela i bin kamapim planti senis long laip bilong planti manmeri insait long 39 yia. Tupela i no senisim laip na pasin bilong manmeri tasol, nogat! Tupela i kamapim ol fisikol developmen tu long planti ol

senta long PNG.

Pastaim long Richard na Margaret i kam long mekim wok misinari long PNG, tupela i bin skul long wanpela baibel skul long Sidni (Sydney), Australia. Tupela i bin nupela marit na taim tupelai stap yet long baibel skul, Richardi bin pilim strongpela singaut bilong God olsem em mas kam long PNG.


Olsem na bihain long pinisim skul na greduet long Baibel skul, yangpela Richard, meri bilong em

Margaret na namba wan pikinini meri Rachael i bin gat 6-pela mun tasol, i kisim balus, lusim Sidni na kam pundaun long graun bilong PNG.

Dispela em long Epril 5, 1973. Em i nambawan taim stret bilong Richard na yangpela famili bilong em long lusim ples na go long narapela kantri long wok olsem ol misinari.

Ol i kam pundaun pastaim long Jacksons ples balus long Pot Mosbi na bihain

long ol i senisim balus na flai i go long wanpela liklik hauslain bilong Yongondwagle i stap long Yongomug long Kundiawa, Simbu Provins. Long hap ol i stap inap sikspela mun long lainim, na pasin kastom. Na bihain oli muv i go antap long Gogl haus lain na i stat long bildim nambawan Yunaited Pentikostel Asemblim (UPA) sios, na tu, kirapim Baibel skul klas. Margareti stat long kisim ol pikinini na lainim ol long Sande skul.



Reveren Richard Carver na meri bilong em, Margaret.

Emdibi Farm
Migin Down Base Village,
Chuave Distrik
P.O. Box 44, KUNDIAWA,
Simbu Provins
Mobail: 719 98316

30 Me, 2012

Menesing Dairekta
Nesenel Fiseris Atoriti
P.O. Box 2016
Pot Mosbi
Level 11, Deloitte Tower
Douglas Strit, Pot Mosbi

SABJEK: Givim Luksave

Dia Se,

Mi gat wanpela bilip long bel bilong mi, olsem mi mas tok tenkyu long yu, ol opisa bilong yu, na opis bilong yu long bikpela wok dipatmen i mekim long strongim ol liklik manmeri. Mi lukim halivim yupela i givim long ol pis fama long olgeta hap bilong kantri. Mi no wanpela long ol dispela lain, tasol, mi wanpela fama i save hatwok long ples.

Mi lukim yu kamaut klia long ol deli niuspepa long disisen bilong Projek Developmen Fan (PDF) Stiaring Komiti, we i tok klia long olgeta aplikesen ol i kisim, hamas i no kisim tok orait, na hamas i stap yet long sekim, hamas i kisim mani pinis, na hamas ol i kisim, na husat long ringim na kisim moa toksave long en. Dispela olgeta samting em i klia wok pasin tru, na em i samting olgeta manmeri bilong kantri i laik lukim.

Yu save halivim ol tru tru fama. Ol manmeri bilong pablik na ol manmeri tru bilong dispela kantri i save olsem aninit long menesmen na lukaut bilong yu insait long Nesenel Fiseris, i gat gutpela wok menesmen na transparensi. Mi luksave long laik bilong yu long halivim ol lain yu givim halivim long ol.

Inap gutpela God papa long heven i stap olsem wanpela bikpela witnes long wok yu na ol opisa bilong yu i mekim bilong ol pipel bilong yumi. Long toktok mi ken toktok, mi laik blesim yu na tim bilong yu, na ol lain famili bilong yu. Tasol God tasol bai lidim, stiaim na givim olgeta samting long dispela opis long kamap namel man bilong karim ol blesing i kam daun long heven, na givim long ol pipel bilong em.

Long makim olgeta lain i kisim halivim, olgeta fama i save hatwok i stap long kantri, na long makim pipel bilong Papua Niugini, mi tok tenkyu long gutpela halivim yu givim. Inap God i blesim yupela olgeta.

Gerald Kopa
Dairekta, Emdibi Farm

Cc: file

Motto: Bank to Base



Wok lida i gat ol presa, sori na hevi

PLANTI taim singaut na krai bilong olgeta lain manmeri bai mekim ol lusim famili bilong yu, na bai yu givim moa taim long ol arapela lain manmeri.

Plantu taim ol pikinini bai krai long yu bikos ol i laik bai yu stap klostu long ol, na pilim han bilong yu, na laikim yu long holim ol. Tasol yu bai wok long go aut yet long helpim ol narapela manmeri.

Em wanpela sakrifais ol famili tu i wok long peim bai man na papa bilong ol i ken holim wok lidasip. Olgeta lida bai bungim na peim prais long dispela eria insait long famili bilong ol.

Narapela hevi em, bai planti manmeri i tok baksait long yu. Long ples bilong yu, bai ol i traim long soim olsem ol i stap wantaim yu, tasol taim yu no inap stap, kainkain tok baksait na toktok bilong daunim yu bai kamap.

Sampela manmeri bai luk olsem oli sapatim yu, tasol long insait ol i wok hait long daunim yu. Taim ol i stap wantaim yu, bai ol i mekim wanpela tok i gutpela tru long yu. Tasol taim ol i stap longwe long yu bai ol i mekim narapela kain toktok long bagarapim yu.

Ol no inap lukluk long gutpela wok yu mekim bilong helpim ol. Bai ol i lukluk long ol mistek na ol liklik samting tasol long daunim yu. Em i wanpela bilong ol pen bilong holim wok lidasip.

Narapela samting em, sapos yu kamap lida bai olgeta liklik wok about na sindaun bilong yu bai stap ples klia long bikpela spotlait. Haus bilong yu, kar bilong yu, telepon na wanem samting yui gat bai sampela taim kamap pablik samting. Olgeta man bai painim yu long kainkain askim na nid bilong ol.

Sampela askim bilong ol manmeri em long askim samting long helpim wanwan man na sampela taim ol i toktok long helpim ol yet. Tasol olgeta kain hevi na presa bai kam antap long yu olsem wanpela lida. Sori ol brata na susa, wok lidai gat planti hevi. Mi tokim yu olsem bai yu pulap long sori na kainkain hevi. Tasol Jisasi tok, bai mi stap wantaim yu inap long dispela taim i pinis.



LIKLIK MANUS GARAMUT: Bosman bilong ol Difens woklain bilong Australia long PNG, Kenel Mark Shephard wantaim meri bilong em, Helen Shephard, i amamas long lukim na holim dispela liklik Manus Garamut. *Poto: Aja Potabe*

Sogeri Nesenel Hai musium i promotim kalsa

...Ol atifeks bilong olgeta hap long kantri stap

Veronica Hatutasi i raitim

ovasis i raun i go olsem long hap i save baim.

Deputi Prinsipel bilong SNHS, Kive Kererembo, i tok ol sumatin yet i kisim ol koleksen long musium i kam.

"Koleksen ya i bilong sampela yia nau we ol sumatin yet i save kisim i kam long skul olsem bilas lon g ol kalsarel de na tu, donetim i go long skul musium koleksen. Ol koleksen i kam long olgeta hap bilong kantri na i soim ol ples long olgeta hap bilong PNG ol sumatin i kam long em," Mista Kererembo i tok.

Wanpela bumerang (boomerang) bilong ol Aborijinis pipel bilong bilong Australia i stap insait long Sogeri Musium koleksen.

Mista Kererembo i tok wanpela man Australia i bin donetim long ol.

Em i tok wanpela taim, wanpela turis bilong Yurop i bin laik baim dispela boomerang, tasol ol bin tokim em olsem dispela i wanpela donesen na ol i no inap salim.

Olgeta atifeks, ol kaving na ol narapela samting lon g koleksen i no bilong salim, em ol pos kad tasol i bilong salim.

Mista Kererembo i tok ol save gat sampela visita i go long museum bilong ol, moa yet, ol lain i wokabaut long Kokoda Trek na tu, long taim skul i holim ol spesel okesen o bikipela selebresen o wok. Em i fri long go insait long museum.

Em i tok i gat plen long skul long sanapim wanpela bilding bilong holim ol samting bilong skul museum em yet.

Long las wiken Sande, ol Hai Komisina bilong Australia long PNG, Ian Kemisina na ol lain wokman bilong em, ol Difens Lain bilon g Australia na ol narapela visita bilong Australia i bin lukluk raun i go long dispela liklik musium pastaim long opim 70 yia selebresen bilong Kokoda Kempen na Sogeri Singing.

Moses Sasakila husat i bin Minista bilong Kalsa, Spots na Musium i bin opim SNHS Musium long yia 1974. Na insait long 38 krismas, musium i wok long groa wantaim ol PNG koleksen bilong ol atifeks, kaving na ol narapela tumbuna na kalsa samting bilong olgeta hap bilong PNG.

LAIBRERI na Musium em tupela bikipela samting long ol skul we ol sumatin i ken skruim lainim bilong ol long akademik sait na tu, i no lusim tingting tasol strongim kalsa na tumbuna pasin bilong ol.

Sogeri Nesenel Hai Skul ausait tasol long Mosbi i wanpela olupela skul long PNG ol bin kirapim long yia 1944 bihain tasol long Wol Woa 2 olsem Papua Sentrel Trening skul.

Graun we skul i sanap long en i bin ples we ol bin lukautim moa long 3,000 soldia bilong Australia i bin kisim bagarap long pait namel long ol na ol soldia bilong Japan long Kokoda Kempen woa.

Sogeri i bin kamap wanpela Sinia Hai skul na i kisim ol sumatin long mekim Gret 11 na 12 long yia 1970 na nau em i namba 42 yia bilong em long dispela level. Tasol stat yet long 1944, skul i bin kisim ol sumatin long olgeta hap bilong kantri na nau planti ol bikman long politiks, gavman, ol praivet na pablik sekta em ol eks Sogeri lain. Papa bilong klantri, Se Michael Somare na pastaim Gavana Jenerel, Se Paulias Matane, em tupela long ol.

Long las wiken Sande, Sogeri Nesenel Hai Skul (SNHS) i bin kombain wantaim Kokoda Trek Atoriri (KTA) long holim 70 yia Kokoda Kempen selebresen na Sogeri Kalsarel De we planti i save olsem Sogeri Singing.

Wantok Niuspepa i bin kirap nogut long raun long skul eria na lukim wanpela liklik museum SNHS i gat long en. SNHS i mas wanpela long ol liklik lain skul insait long kantri o sapos nogat, wanpela skul tasol i gat liklik musium bilong em.

Ol koleksen insait long liklik skul musium i kam long olgeta hap bilong PNG na i soim long ples klia ol sumatin i bin skul long hap taim skul i kamap sinia na nesenel hai, 42 krismas i go pinis.

Nau dispela liklik skul museum i gat moa long 5,000 hap ol atifeks na tu, ol pos kad long PNG disain we ol sumatin yet i save wokim na salim long pablik. O ol visita bilong PNG na



Bank bilong Papua Niugini

PABLIK NOTIS


TOK LUKAUT (WONING) LONG OL GIAMAN BISNIS BLONG WANPELA TRANSEKSEN PRAIS, NATWEST BENK, LONDON, UK

Ol manmeri long pablik i mas klia na luksave olsem i gat wanpela toksave i wok long go aut long ol email na mobail fon olsem i gat wanpela transeksen prais i kam long Natwest Bank, London, UK. Dispela hap pepa o toksave em i no tru. Em i giaman, na i no gat trupela infomesen long en. Em i gat wanpela giaman logo piksa bilong Benk bilong PNG, hap bilong ol pablik stetmen bilong Benk, ol nem bilong ol wokmanmeri bilong mipela, na poto bilong Gavana bilong Benk.

Ol manmeri long pablik i mas klia olsem ol i noken wok bisnis wantaim dispela giaman toksave, o ol lain husait salim dispela toksave. Yupela mas toksave kwik long polis.

I gat planti ol arapela wankain giaman bisnis i wok long raun, na Pablik i mas was gut long ol, na noken bilip na bekim ol askim bilong ol.

**Tok Orait bilong dispela toksave i kam long:
Mr. Loi M. Bakani
Gavana**



WANTOK
KOMENTRI

Planti wankain tingting manmeri

WANPELA hap tok i wok long plai i go kam namel long tripela grup lida nau i wok long sindaun raun long kantri, em i dispela tok 'like-minded'.

Long tok inglis, dispela tok i minim ol lida husat i gat wankain tingting long pasin demokrasi, wankain tingting long wok lida, na wankain tingting long mekim kamap senis long laip na sindaun bilong ol pipel.

Pati bilong Peter O'Neill i go pas pinis long tromoi ol huk na planti pis i kaikai. Namel long ol dispela pis em ol bipo praim minista, Chan, Wingti, na Somare.

I tru nogat manmeri i ting yumi bai lukim Somare na O'Neill i sindaun wokbung gen.

Tasol em i kamap pinis. Na long han bilong Chan na Wingti.

Na olsem wanem long dispela tupela man? Pastaim long ileksen, tupela i bin raun bung na soim olsem tupela i redi long wokbung wantaim.

Long pulim 'Chief' long bihainim tingting bilong ol, em i narapela nupela samting gen.

Olgeta dispela tripela lain i gat save long wok politik long PNG. Na olgeta dispela tripela man i gat nem nogut long histori bilong yumi.

Ol askim i stap nau, em long wanem tingting tru bilong ol? Em i klia pinis, olsem Chan i tokaut olsem em i amamas long stap gavana tasol.

Wingti, em i no inap tokaut yet, bikos kaunim long rije-nal sia bilong Westen Hailans i no pinis gut yet.

Na Somare. Em i lusim pinis lidasip bilong Nesanel Alaiens pati, olsem na em i no inap kamap PM.

Wanpela man husat i wok long toktok long kempen i kam inap nau yet long wok PM, em Namah.

Em i stap long fran bilong olgeta kendidet bilong en, na em i rausim mani, na em i tok em bai kamap PM.

Nau, Gavana Jeneral i askim pinis PNC na ol patna bilong em long fomim gavman. Pepa ol i sainim pinis, na ol grup i wok long bung yet.

Namah i strong yet olsem em i ken sanapim wanpela man long kamap PM.

Tasol sapos em bai stap insait long gavman, em i narapela samting olgeta.

Long dispela taim bilong makim gavman na kos bilong kantri long narapela faivpela yia i kam, yumi ol pipel i no moa laik lukim pasin bilong kros-pait na pulim rausim samting long han bilong arapela.

Nainpela mun mipela i lukim dispela pasin i kamap, na mipela inap pinis.

Sapos husat manmeri i gat namba long fomim gavman, orait, em i mas go het na wokim.

Sapos yu husat lida i gat wankain gutpela tingting wantaim ol lida i fomim gavman, orait, lusim grup bilong yu, na sanap holim han, na silipim gut rot bilong PNG long faivpela yia i kam.

Sapos ol lida bilong gavman i sot nau, orait, yu ken apim han gen, na kisim tok orait o askim.

Pasin bilong rausim pekato bilong bipo, na pasin bilong yusim mani long winim luksave, em i mas pinis.

Yumi no ol busman moa.

Juffa kotim Gugl long paul toktok

POLIS long Goroka i bihainim wanpela komplem i kam long nupela gavana bilong Oro provins, Garry Juffa, i arestim na sasim pinis wanpela kendidet bilong Simbu rijenal sia long aste (Trinde).

Juffa, long wanpela komplem leta em i raitim na salim i go long polis, i tok olsem: "Olsem gavana ilek bilong Oro, mi laik putim fomal komplem agensim John Kerenga Gugl, husat i wok long mekim ol misliding ripot long midia na bagarapim nem na karakta bilong mi long pablik."

Juffa i tok Gugl i wok long mekim ol giaman stetmen long midia na klem olsem em i makim em na wan gavana ilek bilong Morobe Kelly Naru.

"Dispela ol misliding ripot long midia i mislidim tu ol pipel bilong provins bilong mitupela. Na mitupela i no stap wantaim Gugle na 'Isten Blok' bilong em," Juffa i tok.

Gugl i baim K100 bel mani, na kes bilong em bai go long kot long bihain.

Singaut go long ENB long sapatim Namah

WANPELA presa grup long Kokopo i singaut long ol manmeri long ENB long sapatim memba bilong Vanimo Green, Belden Namah long kamap praim minista bilong Papua Niugini.

Tupela lidaman bilong dispela presa grup, John Lote na Martin Uralom, i singaut long ol manmeri bilong Kokopo na ENB long sapatim Belden Namah long kamap praiminista bikos em i gat save long karimaut wok bilong em.

Lote na Uralom i tok, Belden Namah em i gat stretpela pasin husat i save pretim Papa God long karimaut wok bilong em wantaim trupela na stretpela pasin long ronim kantri.

Tupela lidaman i tok, Namah bipo

Dion holim wok yet, Kaputin sotwin long namba

BIHAIN long eliminesen 13 long ENB Riginel sia las wik bosman bilong Ileksen long ENB, Terence Hetinu i tokaut olosem THE Pati Kendidet na Gavana bilong ENB Leo Dion i winim bek sia bilong em.

Dion i kisim 35,195 vots long winim Melanesien Aliens Pati kendidet Se John Kaputin, i kam seken ples wantaim 24, 887 vots. Long namba 3 ples em Nesanel Ailians Kendidet Levi Orong wantaim 18,349 vots.

Bihain lopng tokaut bilong win bilong Dion i tok tenk yu long ol manmeri bilong ENB long igat bilip long em long votim em igo long palamen.

Dion i tok, bikpela samting em bai

komanda bilong ami we em i gat pasin bilong tok tru long karimaut wok long kirapim kantri i go het.

Moa yet, Uralom na Lote i tok, Namah i gat pasin bilong pait strong long daunim korapsen long Gavman na i go daun long ol manmeri long komyuniti.

Tupela lidaman i tok, i gat ol gutpela memba bilong palamen olsem Dokta Allan Marat, Sam Basil, Malakai Tabar i stap long kem bilong em long Rapopo Hotel.

Moa yet ol dispela memba i gat planti save long karimaut wok long ronim kantri go het.

- Michael Novingu i raitim

mekim long kisim sevis igo long ol manmeri long ENB long kirapim gutpela sindaun bilong ol long ol Komyuniti bilong ol.

Em i tok, tenk yu long ol kendidet i resis wantaim em long ENB Riginel sia long 2012 Ileksen. Moyet em i tok dispela em i demokratik rait bilong ol manmeri we ol i soim long ol balot bokis long makim mi go bel long palamen.

Dion i askim ol kendidet i lus long Ileksen long lus tingting long ol politik long wokbung wantaim em long kirapim developmen na kisim sevis igo long manmeri bilong ENB.

- Michael Novingu i raitim

WANTOK
Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi
Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

PNG TIM LONG 2012 LONDON OLIMPIKS



Australia pleim bikipela pat long UN ams triti

FOREN Minista bilong Australia, Bob Carr, i tok kantri i wok long mekim bikipela wok long ol i toktok gen na pasim wanpela intansenel ams triti.

Yunaitet Stets, Rasia, Not Korea, Kuban a Veneswela i bin blokim wanpela agrimen, na i askim long moa taim long ol i glasim na toktok long en.

Aninit long dispela tingting, em Yunaitet Nesens triti em Australia i bin sponsaim, ol kantri i bin putim siknesa o mak bilong ol bai glasim gut sapos ol gan na samting ol i salim i go long narapela kantri bai ol i o yusim long agensim ol pipel o pundaun i go long han bilong ol pait lain.

Senita Carr, i tok Australia i wok long halivim na i go het long kamapim wanpela agrimen.

Senita i tok, ol wok bung namel long Australia na bikipela namba bilong ol kantri bai go strongpela moa yet sapos wanpela gutpela samtingi kamaut long en.

Ol kantri long Afrika na Karibien i tok welkam long dispela long wanem Australia i go het long wok bilong kamapim triti wantaim ol woksop bilong tok klia long hau dispela triti bai wok, na ol bai luksave long lidasip bilong Australia long dispela bikipela samting.



WET WANTAIM GAN: Wanpela Fri Siria Ami memba i redim pinis gan bilong em, bihain long em i harim ol bom i pundaun long Aleppo distrik bilongal-Sukkari long Siria long wiken.

Swimming gold bilong Australia, China na US

AUSTRALIA i winim namba-wan gold medal long London Olympics, em i bin win long wimens (ol meri) 4x100 mita fri stail rile.

Alicia Coutts, Cate Sampbell, Britany Elmslie, na Melanie Schlanger i bin brukim Olimpik rekot taim ol i kamap long 3.33.15

Alicia i tok, em i bin traim bes bilong em long pleim pat bilong em na i traim long waipim smail long pes bilong em.

Pastaim long en, Stephanie Rice wantaim ai wara i bin feil long defendim taital bilong em long women's 400 mita individual medli, na i i bin pinis namba sikis bihain long Chiwen Y bilong Saina, husat i bin win long wold rekot taim.

Swima bilong Amerika, Ryan Lochte i bin winim men's 400 metres individual medley, na Su Yang bilong Saina i bin winim gold medal long men's 400.

Ol Australia i tok London Olympic techno-trick em top

MAN i bin go pas long ol seremoni bilong Sydney Olimpik gem i tok dispela London Olimpik em i gutpela.

Wanpela-ten-tu yiar i go pinis Rich Birch i bin dairekta bilong ol seremoni bilong Sydney Olimpik Gems.

Long Sarere, em i bin kirap bik moning tru long lukim ol seremoni bilong opim London Olimpik Gems long rum bilong em

long Shanghai hotel.

Em i tok em i bin pilim narakain olgeta bikos em i bin laikim tumas ol despela teknikal trik.

"The whole Industrial Revolution part I thought was fantastic," Mista Birch i tok.

"I loved the glowing molten metallic rings in the sky."

J.K.Rowling husat i bin raitim ol stori buk bilong Harry Potter i bin ridim hap long Peter Pan bilong J.M. Barrie bilong 1904 taim ol memba bilong National Helt Sevis i bin samsam raunim ol bed.

Rob Musgrave, wanpela man bilong Kwinnslen (Queensland) i wok long London, i bin stap insait long wanpela sin.

Em i tok ol i bin wok long prektis long en inap tripela mun.

"Every week, 10 hours a day. It was awesome, it was fantastic."

Long Sydney, samting olsem faiv-handret tausan pipal i bin sindaon lukim seremoni long TV.

PNG ileksan sekyuriti wok i go hed gut yet

WOK bilong kaunim ol vot long Simbu na Isten Hailans provins long Hailans rijen bilong Papua Niugini i go het gut, na bai ol i pinisim pastaim long namba wan de bilong mun Ogus.

Dispela em i de, ilektoral komisina i bin kisim tok orait long Gavana Jeneral long surukim taim bilong ol vot kaunim bihain

long las wik Fraide, i go long dispela Fraide i kam.

Em i opisal de bilong ol i bringim bek olgeta ileksen oda o riten ov rits.

Divisinal Polis Komanda bilong Hailans Rijen, Asisten Polis Komisina, Tedi Tei, i tok toktok wantaim Pius Bonjui pastaim hau i bin gat tokaut bilong tupela winas bilong Imbongu Open Iektoret, long Sauten Hailans Provins.

Ol Vanuatu oposisen MP autim ol wari long WTO

OL Oposisen Memba bilong Palamen long Vanuatu i salim strongpela toksave olsem ol bai yusim ol strongpela tingting i no laikim Wol Tred Ogenaisesen olsem wanpela ileksen samting.

Long stat bilong dispela wok, Vanuatu i bin kamap tru olsem namba 156 memba bilong WTO, bihain long palamen i bin vot long yia i go pinis, na givim sapot long kantri i kamap memba.

Embesada bilong Vanuatu long Yuropien Yunion long Belguim, Roy Mickey Joy, i tok dispela i kamap bihainim 17 yia bilong ol toktok namel long Vanuatu Gavman na Jeniva (Geneva).

Tasol planti pipel long Vanuatu namel long ol sios, ol yunion, ol sif na ol bisnis lida, i no bin laikim long wanem ol toktok insait long agrimen i no halivim ol tumas, Vanuatu.

Ol i makim long holim ileksen long

Vanuatu long mun Oktoba, na Ralph Regenvanu, wanpela long ol oposisen memba bilong palamen, i tok, ol i ting dispela isiu bai kamap strong long taim bilong ileksen kempen.

Niugini, Peter O'Neill, i nau stap long mak bilong fomim nupela gavman insait long tupela wik taim.

Pipels Nesanel Kongres o PNC pati bilong en i winim pinis 22 long samting olsem 78 sia ol i diklerim long 2012 nesanel ileksen.

Gavana Jeneral, Sir Michael Ogio bai askim Mista O'Neill long fomim gavman aninit long Ogenik Loa bilong kantri.

Ol pati bilong tripela olupela Praim Minista, Sir Julius Chan, Paias Wingti, na Sir Michael Somare i nau sapotim Mista O'Neill.

Gavana Ilek bilong nupela Hela provins, Anderson Agiru, i no bin wanbel long we Peter O'Neill na Belden Namah i rausim Sir Michael Somare olsem Praim Minista long Ogas 2011.

Em i bin tok tupela i lidim wanpela iligel gavman ausait long mama lo.

Tasol nau, nupela Pipels Yunaitet Asembli o PUA pati bilong en i sapotim Peter O'Neill - na laikim O'Neill gavman mas rausim ol nogut loa na disisen we O'Neill-Namah gavman i mekim las yia.

Gavana Agiru i tok tu em i laikim ol mani na benefit i kam long PNG LNG ges projek mas go long ol Hela pipel bilong en na Sauten Hailans.

TORO



BIABIA



KANAGE



TOKWIN

Ren bagarapim posta

PLANTI ol posta bilong ol kenidet long Pot Mosbi i bin wet long tupela de ren, dispela ol posta ol mekim long pepa, plani bilong ol ren i bagarapim nogut tru.

Dispela em mak bilong yusim narapela mani gen long mekim nupela, na taim bilong kepen tu em sot nau na planti ol kenidet wok traim long karamapim bikipela hap ples long kisim vot bilong ol manmeri.

Dispela ren long Mosbi bin wasim

pes bilong ol kenidet gut tru wantaim posta bilong ol, planti manmeri long rot i tok larim ren wasim pes bilong ol, taim bilong ileksen yumi lukim kainkain pes na taim ileksen pinis dispela ol pes ya bai go hait na ren no inap wasim ol gen.

Gutpela toktok kam long kempen

OL kenidet i wok long mekim ol gutpela toktok long taim bilong kepen, tasol ol dispela toktok bai karim kaikai bilong em sapos ol win long go long Waigani?

Dispela em bai askim bilong yumi

ol wanwan manmeri, dispela liklik piga bilong yumi ol lain bai makim long tupela minit tasol na namba yu kamapim pinis long vot. Dispela em no longpela taim laka, tasol dispela wari na laikim bilong long sevis yu ting bai yu kisim long tupela minit olsem yu makim piga bilong yu.

Tingting na save stap long yumi wanwan manmeri, na sapos tingting bilong yumi orait na mak bilong vot bilong yumi orait kaikai bilong em bai kam long tupela minit tasol sapos askim bilong yumi go long dispela man o meri yumi makim.

A	T	R	I	T	H	E	T	H	F	T	H	F	S	I	A	S	L	A
4	J	L	S	M	N	A	L	V	U	E	S	C	L	I	L			
L	S	E	S	L	A	L	E	I	W	L	F	C	L	J	L			
I	T	F	A	K	S	F	L	V	A	A	X	A	X	H	I			
A	A	N	J	E	S	L	C	U	N									
S	E	C	U	L														
S	C	T	O	L	H													
A	T	O	J	E														
L	I	J	L	J	A													
I	T	L	F	H	M	N	V	H	E	H	H	T	E	H				
S	J	L	S	S	C	E	W	F	E	P	O	E	H					
S	J	O	L	D	C	V	I	K	W	E	I	W	I	O				
I	Y	E	F	H	H													
I	E	J	A	L	F	H	H	O	S	A	L	A						
T	E	A	F	A	T	I	F	H	T									
W	S	E	A															
A	L																	

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAIR	PLES BALUS	KAGO	TI
KOPI	JIUS	BISKET	SIA LET
SIA	TIKET	SEKIN	SEKYURITI
LAIJ JAKET	EA HOSTES	PAILOT	SUTKES

2	4	9	6	1	5
3			8		
8	1			4	9
7		1	4		3
	3		9	2	
9	6		3	2	1
	2	7		3	6
			7		1
3	6	1	4	8	

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

Ansa bilong las wik Pasol

T	A	R	A	B	A	U	B	I	L	O	N	G	N	A	I	T
				S												
K				E					K	U	M	U	L		P	
A				K	A	L	A	N	G	A	R				I	
A								A							S	
A				K	O	K	O	M	O			S	I		K	
R				T							A	N			K	O
G	U	R	I	A	A				R						A	K
K								R	G						P	I
								A							P	I
								P	A	T	O	L	G		B	V
I								O	E				A	A	I	B
A								K	P						U	L
N								T	T						K	A
A								O	I						K	A
K								A							S	
W								S	U	B	G	N	O	L	I	B

EMTV Television Guide

6:00 PM	G NATIONAL EMTV NEWS	Basketball	Boxing	8:00 PM	G MTV NEWS - REPLAY	Judo
6:30 PM	G SHAOLIN MONKS	9:00 AM	G JOYCE MEYER.	9:00 PM	G 2012 OLYMPIC GAMES -	Weightlifting
7:00 PM	G CHIT CHAT repeat	9:30 AM	2012 OLYMPIC GAMES		Day 4	Basketball
7:30 PM	G NRL ROUND #22		Hokey (W)	12:00AM	Events includes;	Swimming
9:30 PM	G EMTV NEWS - Replay		Weight-Lifting M 56kg		Equestrian	5:55PM G CRIME STOPPERS
10:00 PM	G 2012 OLYMPIC GAMES		Volleyball		Canoeing	6:00 PM G MTV NEWS REPLAY
	Womens Marathon		Boxing		Shooting	7:00 PM G THE WORLD AROUND US:
	Shooting		Swimming			8:00 PM G SHOOTING SKEET LIGHTS
	Sailing	5:55 PM	CRIME STOPPERS	9:00 AM	TRINDE 01 OGAS, 2012	9:00 PM G EMTV NEWS REPLAY
	Gym Art	6:00 PM	G NATIONAL EMTV NEWS	9:30 AM		10:00 PM G 2012 OLYMPIC GAMES - Day 5
		7:00 PM	G NRL ROUND #21			
			Broncos vs. Eels "Live" Fox...			
		9:00 PM	G TOK PIKSA			
		9:30 PM	G SPORTS SCENE			
		9:57 PM	G EMTV TOKSAVE			
		10:00 PM	G EMTV NEWS REPLAY	6:00 PM	G NATIONAL EMTV NEWS	9:00 AM
		11:00 PM	2012 OLYMPIC GAMES	7:00 PM	G HAUS & HOME @17	9:30 AM
		Day 3 - Events includes; Shooting, Judo,		7:30 PM	G BUSINESS PNG EP# 10/16	

Program bai senis long taim bilong en..



Raun wantaim Kanage olgeta wik



Papa bilong mi i tokim mi long noken kisim spakbrus

Dia Laipain,

Mi gat 16 krismas na mi wokim Gret 10. Mi laik kamap wanpela rol modol o gutpela piksa long ol narapela taim mi wok long groa ap na tu, long amasim papamama bilong mi long lukautim mi.

Long famili bilong mi, mipela i gat tripela pikinini man na tupela pikinini meri. Mi namba tu long famili. Bikpela brata bilong mi i wok, tasol olgeta potnait em i save dring na pinisim olgeta mani bilong em. Olsem na em no save kam wantaim wanpela mani long haus. Sampela taim, em save kisim gelpren bilong em i kam long haus taim em i nogat mani, na papamama i save helpim em.

Hevi em, papa bilong mi i save dring tu, smok na sampela taim, em tu i nogat mani long baim kaikai we mama bilong mipela i ken kukim. Tasol papa ya i save givim mipela ol pikinini stiatok na mipela i noken dring na smok.

Yu ting wanem, papa bilong mi i wanpela gutpela rol modol?

Concerned Son

Dia Pren

Tenkyu long serim wari bilong yu wantaim mipela. Laipain i save kisim planti pas olsem bilong yu.

Mipela i luksave long pilings bilong yu we yu laik kamap olsem wanpela gutpela rol modol long bihain taim, tasol papa na bikpela brata bilong yu i wok long salim ol miks mesej o tingting long rot we yu ken bihainim stretpela rot long laip.

Tasol maski papa nab rata bilong yu i dring bia na smok, yu laik kamap gutpela piksa. Tasol i luk olsem yu paul taim papa bilong i givim stiatok long yu-pela i noken dring na smok, tasol em na brata bilong yu i save dring na smok.

Pren, laip em i olsem rot we i mas go het na yu yet i mas skelim wanem rot



yu laik bihainim long en. Disisen yu mekim em bai yu kisim ol gutpela o nogut kaikai long en. Tasol em i gutpela long save olsem yu laik kamap wanpela gutpela man, maski papa na bikpela brata i no soim yu gutpela piksa.

Mipela i lukim tingting bilong yu olsem gutpela disisen yu wokim long en. Olsem mipela i tok pinis, bihain taim bilong yu i stap long han bilong yu na papa o brata bilong yu i no inap tokim yu bai yu go olsem wanem.

Olsem mipela i luksave long ol presa o hevi yu stap long en bikos olgeta wik o potnait, yu bungim ol dispela samting i no gutpela.

Pren, yu toktok lon g hevi nyu gat long en wantaim mama bilong yu tu? Sapos not, i moabeta yu tokim em na em bai toktok wantaim papa long wari bilong yu. Long wankain taim, sapos yu gat ol narapela b rata na susa, i moabeta yu strongim ol long noken bihainim samting we papa na bikpela brata i wokim. Ol dispela samting i no gutpela long helt bilong yupela.

Mipela i tenkim yu long strong bilong yu na tingting long i no bihainim papa nab rata, tasol long kamap gutpela piksa long ol narapela i ken lukim na bihainim. Pren, dispela i gutpela mak long planti yangpela husat i wok long bungim hevi i stap. Bikos famili i no helpim o givim ol gutpela sapot, ol i save go na mekim ol samting i no stret. Ol i sutim tok long famili long go mekim ol samting i no stret taim ol i no luksave olsem "choice" o disisen long mekim

gutpela samting o nogat i stap long han bilong ol.

Pren, taim wanpela i mekim gutpela disisen, em bai orait. Tasol taim em i nogat na bihainim laik na ol pilings bilong em, em i no gutpela. Mipela i amamas olsem yu wokim disisen long mekim samting i stret na bihain taim bilong yu. i moabeta yu poromanim ol gutpela lain husat i gat gutpela pasin na ol bai helpim yu na givim yu stiatok taim yu bungim hevi.

Pren, yu autim wanpela bikpela samting we i givim hevi long planti pikinini long sait bilong lukaut bilong papamama na soim gutpela pasin na piksa.

Gutpela rot ol papamama i ken soim long ol pikinini em long kamap ol gutpela rol modol o piksa na mekim samting long stretpela rot. i no long givim stiatok na go mekim samting i no stret.

Bikpela i laikim yu long gat gutpela laip, na i moabeta yu luksave long em moa tude.

Ritim Proveb Saptu 3 ves 5 na Jere-maiah 29:11.

God i ken givim yu gutpela tingting long mekim ol gutpela disisen.

Pren bilong yu, Laipain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain

NEM: Berthlyn Huaffe

KRISMAS: 16(Meri)

ADRES: Passam Primary school, P.O. Box 521, Wewak East Sepik Provins

SAVE LAIKIM: Harim musik, pilai soka, pilai volibol mekim pani, kisim wara, watsim TV na ritim Baibel

NEM: Jimmy N. Nimms

KRISMAS: 19 (man)

ADRES: Kilipau village, P. O. Box 56, Vanimo Sandaun Provins

SAVE LAIKIM: Raitim pas, ritim buk, harim musik, ring long Fon na senisim presen.

NEM: Rodney Wauku

KRISMAS: 25 (man)

ADRES: C/- Andrew Api Vanimo CIS, PO Box 124, Vanimo Sandaun Provins

SAVE LAIKIM: Harim musik, pilai soka, watsim TV, swimming na painim stori

NEM: Jason Sull

KRISMAS: 40 (Man)

ADRES: P.O. Box 248, Madang - Madang Provins

SAVE LAIKIM: Ritim Niuspepa, harim musik,kukim kaikai, wasim kolos, wokabout, trevol go kam long bisnis insait long PNG na painim poromeri long stap wantaim oltaim. Yu ken ring long dispela namba, 7272 2843.

NEM: Jimmy Ekoda

KRISMAS: 20 (man)

ADRES: Sangara Vocational School, P O Box 170, Popondetta, Oro Provins

SAVE LAIKIM: Go lotu, pilai soka, pilai volibal, painim wanpela meri long maritim na stap wantaim oltaim.

NEM: Joe .K

KRISMAS: 24 (man)

ADRES: P O Box 1289, Goroka, EHP - 7360 3650

SAVE LAIKIM: Go lotu, pilai musik singim song, pilai spots, mekim pren na planti mo.

NEM: Gima Tanget

KRISMAS: 20 (meri)

ADRES: Bugandi Secondary School, PO Box 1225, Lae Morobe Provins

SAVE LAIKIM: Go lotu, ridim Baibel, mekim pren wantaim ol lotu manmeri, pilai ragbi,volibol and watsim TV(News)

NEM: Presley Tai

KRISMAS: 20 (Man)

ADRES: PO Box 28, Mondomil Minj, Jiwaka Provins

SAVE LAIKIM: Go lotu, ritim Baibel, ritim buk, stadi skul wok, pilai ragbi, harim musik na mekim poroman wantaim arapela.

NEM: Belany Haikope

KRISMAS: 19

ADRES: Don Bosco Araimiri Secondary, PO Box 159, Kerema Gulf Provins

SAVE LAIKIM: Ritim buks, pilai gems, go lotu long Sande, mekim pani wantaim poroman

NEM: Bunau Dadis

KRISMAS:31 (man)

ADRES: Raibus Security Service Ltd, PO Box 1337, Madang, Madang Provins - 7146 7257

SAVE LAIKIM: Go danis, Lukim TV, harim musik na painim gutpela poromeri long stap wantaim oltaim.

Salim mariwana kamap olsem bisnis

Aja Alex Potabe i raitim

MARIWANA em i wanpela nogut samting bilong bagarapim laip bilong man tasol sampela manmeri i wok long mekim bisnis long dispela nogut samting.

Taim loa bilong kantri i tok tambu long planim, salim, na smukim mariwana insait long PNG, sampela manmeri i wok long mekim mani long dispela nogut samting.

Wanpela sinia polis intelijens opisa, husat i les long tokaut long nem bilong en, i tok ol polisman i wok long holim planti manmeri stret wantaim bikipela bek mariwana ol i laik salim long Mosbi, Lae, Kokopo, Daru na Vaimo.

“Ol dispela 5-pela ples em ol ples insait long kantri we mariwana i kam long Hailans i save go aut long en. Daru na Vanimo em i tupela ples we ol drak dila o man bilong salim mariwana i

save laik long salim mariwana i go aut long Australia na Indonesia,” dispela polisman i tok.

Em i tok polis i holim pinis planti yangpela man, ol namel sais marit man, na ol famili manmeri tu, husat i wok long karim mariwana go kam long Hailans long go long ol dispela ples.

“Mipela i holim wanpela marit meri, mama bilong 4-pela pikinini long Lae las wik. Em tokaut olsem man bilong en i lusim em, na em i save mekim mani long mariwana long lukautim em yet wantaim ol pikinini bilong en,” polisman man ya i tok.

Em i tok ol i save holim planti manmeri stret i kam long Goilala eria olsem Tapini, Bereina, Waori, na Woitape, we moa long ol mariwana saplai bilong Mosbi siti i save kam long en.

“Long Mosbi, moa mariwana save kam long Goilala. Mipela i save holim manmeri wantaim. I no man tasol i mekim dispela drak bisnis. Ol meri na yangpela pikinini tu i mekim,” em i tok.

Planti ol yangpela mangi long Mosbi siti i wok long smukim mariwana na bagarapim pablik ples olsem Godens Maket, Erima, Waigaini Maket, Koki Maket, 4 Mail, na 6 Mail.

“Planti ol pablik ples isniat long Mosbi siti i kamap olsem ples bilong salim mariwana na mekim mariwana bisnis.

“Sapos yu lukim Godens Maket long Mosbi, em i wanpela ples we mariwana bisnis tu i save kamap wankain olsem ol buai, smuk na kaikai bisnis.

“Mariwana maket em i no hait. Em i ples kliia. Ol drak dila tu i save mekim bisnis bilong ol wantaim ol arapela liklik sels manmeri long maket, bas stop na long olgeta hap.

“Em i kamap olsem wanpela liklik bisnis tu bikos sampela manmeri ol i save mekim mani long mariwana long lukautim ol yet na famili bilong ol,” dispela polis opisa i tok.



MARIWANA ...Loa i tok bikipela tambu tru long planim, salim na smukim mariwana. Foto: Aja Alex Potabe

Aluvial maina noken salim gol nau

Aja Alex Potabe i raitim

OL aluvial maina o liklik manmeri bilong was long gol arere long wara na long ol maunten i noken salim gol ariap nau yet bikos mani mak o prais bilong gol long intenesel maket i go daun.

Asian Developmen Benk (ADB) i tokaut long wanpela ripot olsem prais bilong gol long intenesel maket i go daun bikos las yia bikipela birua i bin kamap long ol bikipela mani maket na ol bikipela benk long arapela kantri i wok long kisim taim.

Dispela em i ol i kolim global fainensial krais. Dispela birua tasol i mekim na planti ol bikipela kantri olsem Amerika, Inland, Saina, na ol arapela kantri tu i kisim bikipela bagarap long sait bilong bikipela mani maket.

ADB i tok ikononi bilong PNG i no bin kisim bagarap bikos mipela i no save mekim ol bikipela invesmen i go autsait long ol dispela kantri, na tu nau yet kantri i wok long lukim kain kain petrolum na maining projek i kamap.

Dispela ripot i tok taim prais bilong gol i go daun, em i gutpela taim bilong ol liklik go baia, sela, na aluvail maina long sevim gol i stap long salim bihain taim prais i go antap gen.

“Maski kain kantri olsem PNG, Solomon Ailan na Timor-Leste i save salim ol samting bilong ol olsem gol, kopa, timba na pis, mani mak bilong ol dispela produk



ALUVIAL MAINA...Tupela aluvial gol maina i was long gol arere long wara Tai Jundaka long Maun Kare. Foto: Niugini Gold Traders

long intenesel maket i go daun liklik. I luk olsem taim planti o benk na mani maket i kamap orait gen, orait prais bai go antap gen,” dispela ripot i tok.

Dispela ripot i tok tu olsem PNG em i laki na ikononi bilong en bai nonap bagarap bikos LNG projek na moa maining projek i kamap bai sapatim ikononi yet.

Tasol long sait bilong ol liklik aluvial gol baia na sela, ol i noken salim gol nau yet. Dispela ripot i tok PNG mani maket bai i go antap i no bihain long tupela yia taim namba wan LNG i go aut long Saina, Japan na Taiwan.

Wankain taim ol Yuropen kantri bai stat long painim gol long kirapim pawa na strong bilong ol risev benk bilong ol bihain long ikononi krais i kamap.

Taim dispela tupela samting i kamap,

prais bilong gol bai go antap gen, na moa beta ol aluvial maina i wet liklik long salim gol dispela taim.

Long PNG, ol liklik aluvial maining i bin stat long Porgera, Wau na Bulolo long 1950s. Nau planti aluvial maining i kamap long Porgeram Wau, Bulolo, Maun Kare, Usino-Bundia eria long Madang, Maramuni (bota bilong Enga na Sepik), Kainantu, Buka, Woodlark (Milen Be), Hela, na Bewani (Wes Sepik).

Mineral Risos Atoriti (MRA) i bin tokaut long wanpela woksop olsem loa i tok orait long ol manmeri i kamapim ol liklik aluvial maining long sapatim laip bilong ol yet.

MRA i tok aluvial maina i save mekim gut winmani na Yuropen Yunion (EU) i sapatim ol liklik maina bikos dispela em i wanpela rot bilong daunim poveti o stopim ol manmeri long stap turangu.

LNG, maining projek bai nonap kirapim kantri

SAVE manmeri tasol i save kirapim kantri maski wanpela kantri i gat planti ol kain kain risos.

Maski PNG i gat kain kain nesural risos, kantri bilong yumi bai senis sapos yumi gat moa save manmeri husat i bin go skul.

Dispela em i toktok bilong Menesing Dairekta bilong Intenesel Trening Institut (ITI), Kumaran Senthayval.

Senthayval i autim dispela toktok long namba 40 greduaes de bilong ITI sumating long Hideawy Hotel long Mosbi las wik Fraide.

“PNG em i bikman blesim yumi wantaim kain kain risos. Tasol yumi nogat planti save man i stap long yusim ol dispela risos na kirapim kantri,” em i tok.

Bikos long dispela as tasol, ITI i helpim ol manmeri long kamap save manmeri long dispela kantri.

“ITI em i wanpela liklik skul tasol, mipela i mekim bikipela wok long kirapim dispela kantri. Mipela i skulim ol gret 10 na 12 skul liva na ol wok manmeri o lapun manmeri wantaim.

“Dispela save ol i kisim long ITI bai ol i yusim long kirapim dispela kantri,” Senthayval i tok.

Em i tok kain kantri olsem Singapore, Taiwan, Saut Korea, Malaysia na Hong Kong i nogat risos tasol ol gat moa save manmeri na ples bilong ol i develop na kamap olsem ples bilong ol waitman.

Em i salensim ol sumatin long tingting gut na mekim gutpela pasin long kirapim dispela kantri.



Sera Honk Timea i Graduate wantaim Diploma in Manesemen lo 40th graduation lo last wik Fonde. Foto: Samuel Koim



Basamuk papagraun kampani kisim rot kontrak wok

OL PAPA graun bilong eria we bikpela rifaineri bilong Ramu NiCo Projek i stap long en long Basamuk long Raikos distrik, Madang Provins i kisim wanpela bikpela rot kontrak wok long projek diwelo pa Ramu NiCo Menesmen (MCC) Limited.

Ramu NiCo, i givim dispela kontrak i go long papagraun kampani, Basamuk Entaprais Limited bihain long ol i sainim kontrak agrimen pepa long Basamuk rifaineri ofis long Fonde Julai, 19.

Kontrak ya em bilong tupela yia na i stat long dei taim ol i sainim kontrak. Dispela kontrak em moni mak bilong en em moa long K1 million na i gat bikpela bilip olsem ol papa graun bai i kisim gupela halivim tru long dispela kontrak.

Dispela kontrak agrimen i soim olsem insait long wan wan mun Ramu NiCo bai i peim Basamuk Enterprise mani mak olsem K47, 181. long ol wok em I wokim long rot. Dispela bai ol I mekim i go inap long mak bilong tupela (2) yia olgeta.

Dispela em namba wan taim Ramu NiCo i givim kontrak i go long ol papagraun bilong Basamuk we ol yet bai wokim wok, na i no olsem bipo we ol i save wok join vensa wantaim ol arapla kampani.

Long dispela kontrak, Basamuk Entaprais Limited yet bai i stretim ol kliklik han rot insait na arere long Basamuk rifaineri we longpela bilong en em 9.8 kilomita. Dispela ol hap rot i karamapim rot bilong hap ol i digim laim-ston karanas i go long rifaineri plent mak long 5 km, rot karamapim Ganglau asples i go long rifaineri eria mein geit we longpela bilong rot em 1.8 kilomita na rot joinim ples ol i kisim wara saplai na i go long nupela na olpela kemp we longpela bilong en em 3-kilomita.

Aninit long dispela kontrak, Basamuk Entaprais bai i klinim rot na stretim olgeta seksen bilong ol displa rot na mas mekim kamap gut long ol kar bilong rifaineri na asples i ken yusim na kisim gupela helpim long en.

Basamuk long bipo i no gat kain sevises olsem na ol turangu lain i bin stap long wei bilong ples stret, tasol taim Ramu NiCo i bin krungutim lek antap long Kurumbukari main long Usino long digim nikel, em i tromoi teil bilong em i go daun long Basamuk long kamapim dispela rifaineri we nau i givim kain sevis olsem rot kontrak i go long ol papagraun bai i wokim moni long kamapim gupela sindaun insait long komuniti.

Nau wantaim kain bikpela projek olsem Ramu NiCo, tok i stap pinis olsem planti senis bai i go long hap we bipo i no bin lukim planti sevis bilong gavman.

Taim siaman bilong Basamuk Lenona Asosesin, Lima Mullung i sainim dispela kontrak makim maus bilong Basamuk Entaprais Limited, em i tok kain kontrak bai i givim bikpela halivim i go long ol papa na mama graun tru bilong Basamuk.

"Mipela i bilip olsem kain kontrak na halivim bai i kam long taim bilong prodaksen i kamap long Basamuk we ol papa graun i ken kisim sampela halivim," Mr. Mullung i tok tok.

Long sait bilong Ramu NiCo, Vais Presiden Mista Pan Hengli i sainim dispela kontrak.

Basamuk Enterprises Ltd General Manager Leo Andrew na Ramu NiCo Community Affairs deputy general manager George Wang i stap long witnessim displa saining seremoni.

Mr. Pan i tok Ramu NiCo i amamas long lukim kain kontrak i go long ol papa na mama graun we ol i ken kisim bikpela benefit we Ramu NiCo i ken mekim kamap.

Em i tok long kain wok kontrak olsem tu bai i mekim Basamuk Enterprise i kisim gupela ekspiriens long wokim kain wok insait long projek na long outsait tu sapos ol i winim ol arapela kontrak bihain.

Jeneral Menesa bilong Basamuk Entaprais, Leo Andrew i tok dispela kain kontrak em i namba wan o fes taim Ramu NiCo i givim long ol papagraun na ol i redi stret long wok.

Em i tok ol bipo kontrak i

save wok bung wantaim ol narapla kampani tasol displa em bilong Basamuk Enterprise stret na mani bai i go long ol papagraun stret.

Leo i tok long mun Julai bai Basamuk Enterprise i mekim wok reri long ol masin na man long wok na wok stret bai i stat long August stret.

"Ol masin i stap pinis. Mipla i reri pinis na bai mipla i recrutim ol mangi asples stret so ol yet bai i wok na ronim displa kontrak," Leo i tok.

Leo i tok tenkyu tu i go long Ramu NiCo long luksave long papagraun kampani na givim displa kontrak.

Basamuk Enterprises Ltd em i ambrala kampani bilong ol papagraun bilong Basamuk. I gat wankain lenona kampani bilong Kurumbukari, Inland Paipain na Kostal Paipain we Ramu NiCo i bin givim sampela wok kontrak insait long taim bilong wok konstraksen.

Bos meri bilong Ramu NiCo, Madam Luo Shu save toktok olsem bel bilong Ramu NiCo i stap long lukim kain ol kontrak na halivim i go long ol papa graun tasol kain halivim bai i kamap klia sapos Ramu NiCo i digim dispela nikel na kobalt long KBK main, salim i go long Basamuk refineri, na stretim gut na salim na mekim mani. Long dispela kain wok long kamap gut, kampani tu i nidim halivim na sapot bilong ol papa graun tu.


Het-tok Madam Luo i save mekim oltaim em ol papa na mama graun, "Lukautim Ramu NiCo na Ramu NiCo bai lukautim yu."

Ol kain ples insait long kantri olsem Basamuk long Rai Kos Distrik i go antap long kol ples ong Kurumbukari we lek na han bilong gavman sevis i no stap long em, ating em i gupela ol papa na mama graun mas lukautim dispela bikpela Ramu NiCo Projek na Projet ya bai lukautim ol tu long planti gupela wei.

Long displa as tasol, wok bung wantaim Ramu NiCo em bikpela samting. Dispela tu em 'pasin bilong Madang stret', na i sut stret het-tok na bel bilong Ramu NiCo aninit long het-tok bilong em, "Wanpela Ramu NiCo, Wanpela Komuniti."



Bikpela Basamuk Rifaineri stap red nau long kamapim prodaksen



Mista Mullung i sainim kontrak na Pan i redi long sainim tu



Mista Mullung na Pan i sekan bihain long sainim kontrak



Wanpela hap rot i go long Basamuk Refineri we kontrak wok bai kamap long en

RAMU NICO Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Kurumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

Wanpela Ramu NiCo, Wanpela Komuniti





USINO FAMA...Ol lain fama bilong Usino LLG i sanap fran long Ramu NiCo stol long Erima las wik Tunde.



HAIBRID KOKONAS...Samuel Masawa (Iephan) na Usino LLG fama i mangalim ol haibrid kokonas ol CCI i soim. Ol Foto: James Kila

Usino LLG famas amamas long go lukim CCI Fil De

James Kila i raitim

MOA long 20 smolholda kakao fama insait long Usino lokal level gavman (LLG) eria (LLG) long Usino-Bundi distrik long Madang provins i bin amamas tru long go raun lukim PNG Kakao na Kokonas Institiut IPDM Fil De long las wik i go pinis long Erima, long Raikos distrik, Madang provins.

Dispela IPDM (Integreted Pests na Disis Menesmen) teknoloji fil de i bin kamap long Erima praimer skul long Astrolabe LLG long Raikos distrik.

Ol lain fama bilong Usino LLG husat i go long fil de em ol lain fama bilong Naru 1, Ono, Tapopoi, Igu-ruwe, Danaru, Bantik na Kouye.

Dispela wokabaut i lukim gutpela wok-bung namel long Usino LLG wantaim Ramu NiCo long opim tingting bilong ol famas long holim strong yet wok bilong agrikalsa.

Usino LLG i bin givim transport long ol lain fama long yusim long go kam long dispela CCI fil de long Erima.

Tim lida na man husat i redim wokabaut bilong ol dispela grup fama em Samuel Masawa, na em wanpela man fil ekstensen ofisa bilong Ramu NiCo, bikpela divelopa bilong nikel/kobalt maining projek long Usino-Bundi distrik long

Madang provins.

Mista Masawa em wanpela strongpela man bilong toktok na tu i save givim stia tok na helpim ol famas long holim strong graun na mekim wok long senisim laipstail bilong ol pipel insait long komyniti.

Samuel i tok em i bringim ol i go long givim sans bilong ol long lukim na save long wanem nupela teknoloji em CCI i kamapim long bringim kamap gutpela tingting long ol fama ya bilong Usino long go het strong long wok agrikalsa.

Wanpela strongpela meri fama, Susan Markson, bilong ples Igu-ruwe i amamas long go lukim IPDM Fil de bilong CCI long Erima, na em i tok olsem em i lainim sampela nupela samting long dispela lukluk raun bilong em.

Susan i tok sampela samting em i no save em i lukim long Fil de na em i amamas na bai bringim bek wanem samting em i lainim long kamapim gut ol kakao projek bilong em long ples long Igu-ruwe.

Ol sampela yut husat i memba bilong Gigaso Kakao Koporetiv tu i bin go wantaim dispela grup long Erima.

Wanpela dairekta bilong Gigaso Koporetiv, Nick Kay i tok wanem ol samting ol i lukim long dispela IPDM Fil De bilong CCI bai halivim ol long kamapim sampela samting long kakao gaden bilong ol.

SEVIM 25% LONG RON BLONG BALUS

Port Moresby	↔	Sydney	K 669 (wantaim GST)
Port Moresby	↔	Cairns	K 259 (wantaim GST)
Port Moresby	↔	Brisbane	K 379 (wantaim GST)
Port Moresby	↔	Melbourne	K 669 (wantaim GST)
Port Moresby	↔	Canberra	K 669 (wantaim GST)
Port Moresby	↔	Perth	K 889 (wantaim GST)
Port Moresby	↔	Lae	K 199 (wantaim GST)
Port Moresby	↔	Popondetta	K 169 (wantaim GST)
Port Moresby	↔	Alotau	K 229 (wantaim GST)
Port Moresby	↔	Mt. Hagen	K 269 (wantaim GST)
Lae	↔	Goroka	K 99 (wantaim GST)
Wewak	↔	Mt. Hagen	K 189 (wantaim GST)
Kokopo	↔	Kimbe	K 129 (wantaim GST)

Dispela ol pei bilong balus em wan wei, na blong ron long balus namel long August 1, 2012 i go antap long October 31 2012. Rul ikamapim pei bilong tiket aninit long E Class em long usim long filai ligo long owasis. Taim bilong baim tiket em August 1 i go antap long August 12, 2012.

Sia bilong balus isot nau

Ringim 16111 o lukim long www.apng.com

Airlines PNG

KISIM AWOD
ESSO HIGHLANDS LIMITED
"SPESOL PROJEK MENEISA'S
SEIFTI AWOD 2012"

- PORT MORESBY - Level 1, Pacific Place, 321 3400
- MT. HAGEN - Central Highlands Printers, 542 0662
- Kagamuga Airport, 542 2732
- LAE - Micro Bank Haus, Fifth Street, 479 5980
- POPONDETTA - Top Town (opp. Memorial Park), 629 7638
- ALOTAU - Preston White Street, 641 1288
- GOROKA - Airport, 532 2532
- TABUBIL - Airport, 649 9171
- KIUNGA - Airport, 649 1125
- MADANG - Global Travel, 422 0011
- KIMBE - Travel Line Limited, 717 42306
- RABAUL - Rabaul Hotel, 982 1999



YU KAM: Winga bilong Enga Mioks i laik traim dispela tupela man bilong Isapea long Digicel kam resis long wiken. *Poto Nicky Bernard*



BIKPELA FOWAD: Enga Mioks i go pas stret long han bilong Isapea long PRL long Mosbi, Mioks i putum traim long laspela minit bipo long pilai i pinis na mekim ol I winim Isapea. *Poto Nicky Bernard*



AMAMAS: Charlie bilong PNGFM em sapota bilong Enga Mioks, ol PNGFM em wan-pela sponsa bilong Enga Mioks na taim Mioks i putim trai Charlie wantaim Kasti na ol sapota bilong Mioks i apim han bilong amamas. *Poto Nicky Bernard*



NETBOL: Telstar gol suta i kalap na kisim bal taim ol i pilaim City Pharmacy primaia gem bilong ol. *Poto Nicky Bernard*



SOKA : Pilaia bilong PS ruts i traim long winim bal na abrusim pilai bilong Mungkas long Pot Mosbi soka resis. *Poto Nicky Bernard*



YUNIEN: Harlequin fowad i brukim banis bilong LaSalians long gem bilong long wiken go pinis. Harlequin i winim dispela gewm bilong ol. *Poto Nicky Bernard*

TOKSAVE: Salim ol spots dro bilong yu kam long Feks; 325 2579, e-mel;nbernard@wantok.com.pg o kam lusim long Wantok Niuspepa opis long Central Waigani, NCD.



Spit bilong win na wara

YU harim na save pinis long ol kain kain pilai bilong graun tasol yu mas save tu olsem i gat ol pilai na resis bilong wara tu.

Long graun i gat ol resis bilong ol masin olsem kar, wilwil na arapela, tasol long wara i gat resis bilong ol bot na arapela masin bilong wara olsem tu.

I gat planti kain resis bilong ol dispela samting bilong wara, sampela bikpela na sampela liklik.

Tete bai yumi lukluk long wanpela resis bilong ol dispela wara masin, ol i kolim seling (sailing) o resis bilong kanu i gat sel long en.

Resis bilong ol dispela sel kanu i save kamap strong olgeta ples we i stap klostu long solwara we ol manmeri bilong ol dispela ples i save gut long ronim ol dispela kanu na bot.

Histri bilong gem

Pasin bilong ron long bot o kanu em i no nupela samting, olgeta manmeri husat i save stap klostu long wara i save yusim olsem wanpela rot bilong ol long ron i go kam namel long ol ples.

Tasol spot bilong resis wantaim ol dispela kanu i stat long 1600 (17 sensri) long Holen (Holland) long Yurop.

Long Holen, King bilong Inglen, Charles II, i kisim i go long kantri bilong em long 1660.

Bihain long hap, dispela spot i go long Amerika we em i go bikpela moa, we ol wokman bilong ol sip i bung wantaim long kamapim ol yot (yacht) klap we ol i save bung long malolo na tu ronim ol kanu na bot bilong ol.

Namba wan yot klap tru i bin kamap long Cork long Ireland (Ailan) long 1720 na olpela klap tru long Amerika em NYYC we ol i kamapim long 1844.

NYYC i bin resis wantaim sampela ol pi-laia bilong Inglen long 1851 insait long wanpela resis we ol i win na kisim trofi go bek long klap bilong ol.

Dispela resis i stap yet nau we ol i save kolim Amerikas kap (America's Cup).

Stail na loa bilong pilai

Long stap insait long dispela resis, yu mas i gat wanpela sel bot o kanu bilong yu yet.

Yu mas i gat save tu long ronim dispela sel bot wantaim strong na spit bilong win tasol.

Dispela em astingting bilong resis wantaim sel kanu bilong wanem ol dispela bot i save ron long spit na strong bilong win tasol taim dispela win i pas long ol bikpela sel bilong ol.

Taim ol sela (sailor) o ol man bilong ronim bot long solwara, i lukim win i go olsem wanem, ol bai tanim ol hap han bilong sip bai sel bilong en i ken kisim dispela win na mekim em i go spit moa long mekim em i tanim i go long rot ol i laik go long en.

Em i no isipela samting long mekim tasol ol sela i save gut long olgeta hap bilong bot we ol i mas mekim wok long en long helpim bot i ron gut.

I gat kain kain sel kanu o bot, olsem ol yot, i bikpela tru we i save gat planti manmeri antap long ronim na sampela olsem ol hobi ket (hobbie cat) i liklik inap long wanpela o tupela manmeri tasol i ronim.

Wanwan long dispela ol kanu i gat resis bilong ol yet.

Resis bilong ol bikpela bot i save brukim solwara i go long ol longwe ples o raunim ol ailan na i kam bek, sampela taim ol i save ron inap tri o 4-pela de.


Ol liklik kanu i save ron insait long wanpela hap tasol bilong solwara namel long ol mak we ol i save putim.

I gat wanwan stail bilong ronim ol dispela sel bot bilong wanem strongpela win i ken



BIHAINIM WIN: Ol bot i apim sel bilong ol ron insait long wanpela resis.

SEL BOT: Ol hap hap bilong wanpela sel bot



HANGAMAP: Wanpela sela i hangamap long sait long sidaunim bot bilong em gut.

tanim ol sapos ol i no sanapim gut.

Taim win i go strong na i apim bot i go long wanpela sait, ol sela i save taitim ol yet long rop na hangamap i go long hap-sait bilong bot long mekim hevi bilong ol i daunim narapela sait bilong bot i go daun long wara gen.

Aninit long bot tu i gat longpela samting i go daun, ol i kolim fin, we i save helpim bot long noken kapsait hariap, na tu i save helpim em long tanim i go kam antap long wara.

Ol i mas tanim sel i go kam hariap long kisim win long i go spit moa o taim ol i laik tanim bot.

Sapos yu laik stap inait long dispela spot, yu mas save gut long wok bilong olgeta samting antap long bot na tu save long strong na spit bilong solwara na win bai yu ken yusim dispela save long helpim yu ron gut antap long wara.

Seling long PNG

Sel kanu resis em i no nupela samting long Papua Niugini na i save kamap strong long ol asples we i stap klostu long solwara.

Ol manmeri long ol ples ol ples olsem Sentrol provins, Milen Be na ol arapela solwara ples i save ronim ol sel kanu long bipo yet na nau ol i save gat ol resis bilong ol yet tu.

Royal Papua Yot Klap (RPYC) long Mosbi em wanpela ples we olgeta sel bot na kanu save stap long en.

Sampela bilong ol i save stap long ples na i kamap tasol long taim bilong resis.

Bikpela resis bilong ol sel bot long PNG i save kamap namel long ol liklik bot na kanu olsem ol hobi ket we wanpela ol tupela man tasol i save ronim.

Ol PNG sela i stap insait pinis long ol bikpela tonamen olsem Pasifik Gems we ol i resis wantaim ol dispela sel kanu bilong ol.

Em i wanpela spot we i ken kamap bikpela moa sapos moa manmeri bilong solwara i stap insait long en.

Seling i ken lainim yu tu long save gut long pasin bilong solwara na win, bai yu ken save long wanem taim wara bai go antap o daun, wanem taim wara bai strong tru na wanem taim em bai silip isi.

Bai yu save tu long luksave long spit na strong bilong win na tu long ronim bot yu yet antap long wara.

Em i gutpela save na spot long stap insait long en.

Wanpela samting tasol i save daunim tingting bilong ol manmeri long kisim dispela spot em kos bilong mekim o baim wanpela seling bot.

Na sapos yu man o meri bilong narapela ples longwe long solwara na i laik traim dispela spot, em bai no inap isi long yu lainim long ronim dispela bot hariap.

Nau yet i nogat planti klap bilong dispela spot i stap tasol em i ken pulim planti moa manmeri sapos ol i ken opim rot long olgeta manmeri husat i gat laik long pilai, i ken kam joinim ol.


Kos bilong ronim dispela kain spot tu i save antap, na em in o isi long kamapim gutpela ples bilong putim ol bot.

Sapos gavman, ol spona na ol spots ogenaisesen bilong kantri ken wokbung long helpim bai kain ol spot i ken kamap bikpela na gutpela moa na tu kisim moa luksave.






SPOTS DRO RAUN 22




Fraide : Ogas 3, 2012




Sarare: Ogas 4, 2012



Sande: Ogas 5, 2012



Mande: Ogas 6, 2012



Raun 21 Poin Leda

Pos	Tim	W	L	D	B	+/-	Pts
1.	Bulldogs	14	5	0	2	161	32
2.	Rabbitohs	13	6	0	2	148	30
3.	Storm	12	7	0	2	86	28
4.	Cowboys	11	8	0	2	55	26
5.	Broncos	11	8	0	2	21	26
6.	Sea Eagles	11	8	0	2	83	26
7.	Sharks	10	8	1	2	41	25
8.	Titans	9	10	0	2	4	22
9.	Knights	9	10	0	2	30	22
10.	West Tigers	9	10	0	2	-36	22
11.	Dragons	9	10	0	2	-26	22
12.	Warriors	8	11	0	2	-39	20
13.	Raiders	8	11	0	2	-71	20
14.	Roosters	6	12	1	2	-122	17
15.	Panthers	6	13	0	2	-138	16
16.	Eels	5	14	0	2	-197	14

Sadow laikim Stuart mas wok fultaim long Eels

CHRIS Sadow i laik bai Ricky Stuart i mas lusim Nu Saut Wels Kosa wok bilong em long Stet Ov Orijin, na lukluk long Parramatta, bai em i kam wantaim gutpela nem olsem nupela kosa bilong ol.

Stuart bai joinim Eels long wanpela tripela yia kontrak stat long 2013 na i go.

Em gat bikpela salens tru long kirapim bek klab we i save paia gut long stat bilong sisen, tasol olgeta yia, ol i save pundaun yet.

Stuart yet i no tokaut long disisen bilong em long givim hap taim olsem kosa bilong Stet ov Orijin Blues sait. O sapos em bai lusim olgeta na lukluk tasol long strongim Eels.

Sadow i save olsem em i no disisen em i ken mekim, tasol dispela liklik paia-lait fulbek bilong Eels i laik lukim Stuart i givim olgeta luksave bilong em long Eels tasol.

"Mi no wari tumas long wanem samting i kamap, tasol em bai gutpela sapos Ricky i ken stap wantaim Parramatta tasol," Sadow, husat i skorim tupela trai long



SADOW

memeim Brisbane Broncos long Mande nait, i tok.

Sinia Eels pilaia, Tim Manah i tok Stuart em i bos, na em i laik bilong em tasol.

Eels i bin pilaim gutpela gem tru taim ol i rausim Broncos.

Em i bin namba wan gem

bilong ol aninit long lukaut bilong keteka kosa Brad Arthur.

Sadow i bin paia stret. Em i skorim tupela trai, na setim narapela. Tasol em yet i tok olsem em i paia long rong taim bilong sisen.

Em yet i tok olsem nau em i let pinis long ol i traim fain-

ols, tasol ol i orait long sindaun strong olsem tim, na lukluk i go long 2013.

"Mipela laik sindaun strong tasol, olsem wanpela tim. I gat planti yangpela mangi long tim, na dispela bai strongim mipela neks yia," Sadow i tok.

Hevi bilong Orijin i wok long painim ol top NRL klab

OL administreta i mas lukluk gen long makim taim bilong Stet ov Orijin, bai em i noken givim hevi long ol klab i save givim ol top pilaia bilong ol long siris.

Dispela em i tingting bilong selekta na bipo Kwinslen pilai, Gene Miles.

Tasol Miles i tok em i no laikim bai ol i pulim sisen i go longpela moa, bai ol i ken stopim ol klab gem na pilaim ol stet ov orijin long wiken tasol.

Tupela strongpela tim long dispela sisen, Melbourne

Storm, na Brisbane Broncos, i wok long karim hevi long Orijin, we ol top pilaia bilong ol i lusim pilai wantaim ol hevi long bodi, na ol arapela klab olsem Canterbury na South Sydney i wok long paia i go yet long fainals.

"Mi ting olsem Orijin i mas kamap namel long wik yet," Miles i tok, bikos hevi bilong en i save go long ol wiken pilai, na i go moa yet.

"Tasol i mas i gat moa skelim na luksave i go long ol klab i save givim bikpela namba ol pilaia bilong ol i go

long Orijin. Mi laikim ol mid-wik Orijin, tasol mi no ting yumi ken pulim sisen narapela tripela wik gen."

Brisbane na Melbourne i lus tripela yia olgeta nau bihain long ol strongpela Orijin pilai.

Ol pilai namel long kain tupela klab olsem i save lusim planti sapota taim ol biknem pilaia bilong ol i no save pilai.

Kompetisen leda i lukim bikpela senis tru long taim Stet ov Orijin i kamap, em namel long raun 11 i go 21.

Melbourne, husat i givim ol biknem olsem Billy Slater, Cameron Smith, Cooper Cronk na Dane Nielsen (bilong gem 3) i pundaun na lusim tripela long faivpela gem bilong ol bihain long Orijin.

Ol Broncos, husat i givim sikspela pilaia bilong ol long Orijin, i pundaun lusim top foa, na ol i lusim foapela long sikspela las gem bilong ol.

Laspela em long Mande nait, taim Eels i daunim ol 42-22.



STET OV ORIJIN



Tim Palai wantaim ol pilai samting BSP givim.



Ol nupela memba mas luksave gut long spots

I LUK olsem i gat planti nupela memba bilong palamen i win long dispela nesanel ileksen. Planti ilektoret i makim ol nupela memba, bikos ol i laik lukim senis i kamap long wanwan distrik bilong ol. Taim ol i wok long tok olsem ol bai givim olgeta risos na luksave bilong ol long ol bikipela developmen eria, mi save olsem spots bai no inap kisim luksave. Em nau, bihain long ol i mekim tok promis, dispela hevi bai kamap. Mi save tingting, hamas memba bilong palamen bai luksave long spots olsem wanpela rot bilong strongim developmen bilong bungim na skulim gut ol pipel long ol distrik bilong ol. I gat wanwan ol memba bilong palamen husat i soim bikipela laik bilong ol long spots insait long provins bilong ol. Planti nogat. Ol i save yusim spots long pulim luksave o mekim nem bilong ol tasol, na baim ol vot.

Spots insait long ol ilektoret bilong ol i nidim sapot. Ol i nidim sapot bilong developim ol bikipela eria bilong spots insait long ilektoret bilong ol. Husat manmeri i laik halivim long strongim spots insait long ilektoret i mas luksave pastaim long veliu bilong spots. Ol pipel i mas save olsem ol i mas yusim spots long strongim sindaun na laip bilong ol, bai ol i ken kamap ol mobeta manmeri bilong kantri. Dispela em ol arapela samting antap long kamapim ol spots edukesen program tasol. Taim ol pipel i kisim inap trening, ol bai yusim gut spots na yusim olsem wanpela samting i ken developim ilektoret. Olsem mi save tok, ol gutpela bilong spots bai no inap kisim gutpela luksave. Ol pipel yet i mas kisim inap trening na sapot.

Namba wan samting, em wanwan provins i mas i gat spots opis na wokmanmeri bilong en. Spots opisa i mas gat inap pawa bilong lukautim spots insait long provins. Dispela em ol distrik opisa, sapos i gat, i mas luksave tu long trening bilong go het. Ol em ol namba wan lain bilong go pas long developim spots insait long ol distrik.

Tasol turangu tru, olgeta wanwan provins bilong yumi i nogat dispela kain opis. Olgeta wanwan ilektoret memba i mas givim luksave long spots na yusim olsem wanpela developmen tul bilong distrik bilong ol. Spots i mas kisim sapot bilong halivim em long kamapim gutpela laip na sindaun insait long komyuniti. Antap long olgeta developmen, humen developmen i mas stap namba wan.

I olsem, sapos yu kamapim wanpela supa sta long spot bilong yu, na em i kamap wanpela bikhet manmeri long komyuniti, bai yu tok spots em i tul bilong developmen olsem wanem?

Spots i mas gat sans long kamapim senis long ol manmeri bilong yumi. Ol pipel long distrik i mas gat gutpela tingting, gutpela pasin, na i mas gat rispek na luksave long ol arapela.

Pipel tasol i save mekim kamap gutpela komyuniti, na i no ol haus o opis biling nabaut.

Palai kisim Helpim long BSP

PAPUA Niugini ragbi yunien meri 7 tim, ol kolim ol Palai kisim helpim kam long Benk Saut Pasifik long go pilai long Fiji.

Dispela helpim bilong BSP long strongim ol tu long karim nem bilong Papua Niugini na Oceania long go pilai long Wol Kap long yia 2013.

Benk Saut Pasifik givim ol

Palai meri long K10,000 wantaim ol bek bilong karim ol kago bilong na ol samting bilong pilai.

Ol Palai meri bin lusim kantri long Trinde dispela wik long go long Fiji long pilai wantaim ol Pasifik Ailan na tu wantaim ol Niu Silen (New Zealand)na Australia.

Dispela pilai bilong ol meri

bai lukim sapos yumi ken holim dispela taitol yet na karim nem bilong Oceania long go pilai long Moscow long Russia.

Kosa bilong ol meri palai John Larry i tok ol meri stap long gutpela fom na sep long pilai, ol bin trening long dispela bikipela pilai.

Larry tok tenkyu long BSP long givim dispela bikipela

helpim na em tok dispela helpim bilong BSP bai go long longpela we na ol bai no inap putim nem bilong BSP na PNG go daun.

PNG Palai meri tim bai pilaim laspela pilai bilong HSBC tonomen long Oktoba long Berneo na bihain kam bek long difenim taitol bilong ol long Asia Pasifik 7 tonomen.

Ol PNG Garamut kirapim wokabaut long Kriket Wol Kap

OL Anda 19 PNG Hebou Garamuts i lusim kantri pinis long kirapim Wol Kap kempen bilong ol.

Sarere, Ogas 11 bai lukim namba wan pilai bilong ol agensim Zimbabwe long Townsville, Kwinslen.

Ol Garamuts i stap long Pul C wantaim ol biknem tes kriket

kantri olsem India, Wes Indis na Zimbabwe.

Dispela wik ol i pilaim ol trening gem bilong ol agensim Skotlen na Bangladesh, pastaim long ol i ron i go long Brisbane long pilaim tupela moa praktis pilai agensim Nepal na Pakistan.

Neks wik Mande, ol bai

bungim Wes Indies, na long Fonde neks wik, ol bai pilai agensim India.

Tim Kosa, John Ovia, i bilip ol yangpela bois bilong em inap long daunim sampela ol arapela biknem kantri.

"Em i taim bilong ol bois long pilai nau. Mipela tren ova tenpela mun pinis. Mi bilip mipela

i redi, na mipela i fit. Nau em i taim bilong ol bois long yusim olgeta praktis na trening mipela i mekim pinis, insait long mets pilai nau. Mi bilip ol bois bai karim gut nem bilong kantri. Mipela i gat sampela praktis gem i stap, we mipela bai traime stretim ol kombine-sen bilong mipela," em i tok.

De na Taim	Hom Tim	Awe Tim	Ples bilong pilai
11 Aug(10:00 AM)	PNG Garamuts	v Zimbabwe U19	Endeavour Park 1, Townsville
13 Aug(10:00 AM)	PNG Garamuts	v West Indies U19	Endeavour Park 2, Townsville
16 Aug(10:00 AM)	PNG Garamuts	v India U19	Endeavour Park 1, Townsville

Vipers Strong Yet

Samuel Koim i raitim

MAN ov da Mets na Huka bilong SNS Vipers, Atte Bina Wabo, i pilai strong tru long helpim Vipers i daunim strong bilong Goroka Lahanis, 26-12, long Lae long wiken i go pinis.

Wara i pulap long graun bilong oval na i mekim olgeta pilaia bilong tupela tim wantaim i bun-slek hariap tru.

Dispela i lukim Vipers na Lahanis wantaim i dropim planti bal.

Tasol dispela i no stopim tupela tim wantaim long bihainim stret ol gem plen bilong ol. Bihain long wanpela gutpela set pilai bilong Lahanis, i lukim fulbek Adex Wera i skorim namba wan trai, kika na kepten bilong Lahanis, Glen Nami i abrus na lukim Lahanis i lid 4-0.

Bihain long 30 minit, Vipers i kam bek long lidim skobod taim Atte Bina Wabo i kik i go

insait long trailain bilong Lahanis, we fulbek bilong Vipers, Joshua Abavu i daiv antap long en na skoa.

Insait long seken hap, gem i no slek. Vipers fowet pek Enock Maki, Steven Johns, Sebastian Panda, na Adam Korave i pilai strong tru long atek na difens.

Wankain tu, ol fowet lain bilong Lahanis em Supa Kokote, Cedric Singip, Yapa Kapu na Jackol Uwako, i mekim planti ran long halivim tim bilong ol, tasol bal i wel tumas, na ol i no inap karim kaikai.

Lahanis menesmen i bel kros long refri Paul Pokas long planti disisen em i bin mekim. Ol Vipers pilaia husat i skorim trai em: Joshua Abavu, Israel Eliab, Peter Paulus, Sebulon Ragi Junia na Samuel Koim. Ol Lahanis pilai husat i skoa em Adex Wera, Danny Holle, na Supa Kokote.

Dispela wik, Vipers bai



Samuel Koim em i wanpela pilaia bilong Vipers tim, na wokman bilong Wantok Niuspepa

bungim Gurias long Mosbi na Lahanis bai stap Bye.

Em bai wanpela strongpela gem we Vipers bai pilai long stap insait long top 5 long resis.

Planti ol pilaia i bungim hevi olsem Tony Die, Dick Nap, Leeroy Kume na Stanley Torato i lokim ai pinis long stap fit bilong dispela gem.

Kalabond Oval em i matmat tru tru

Michael Novingu i raitim

NGIP Agmark Gurias i planim ol TNA Lions bilong Simbu long matmat bilong Kalabong pilai graun wantain sko 48-6 long gem 2 raun 16 Digicel Kap kompetisen long Kokopo las wik Sande.

Bihain long wanpela minit igo insait long namba wan hap bilong pilai, Chris Jerry i kisim gut bal i kam long Ase Boas long 20 mita mak ron aburusim 4pela pilaia bilong TNA Lions na skorim nambawan trai bilong ol Gurias i lukim sko i sanap 4 - 0.

Dispela i opim dua bilong ol Gurias long skorim siksipela trai long kisim skoa igo antap long 34 - 0

ol long nambawan hap bilong pilai. Long nambawan hap bilong pilai ol bois bilong Simbu i traime hat long brukim banis bilong Gurias long skorim trai, tasol ol ino inap bikos ol Gurias i putim strongpela was long stopim ol TNA Lions.

Long namba tu hap bilong gem, ol pilaia bilong Gurias i mekim strongpela pilai we ol pilaia bilong TNA Lions i no inap stopim ol i lukim ol bois bilong Gurias i skorim 3pela trai i kisim sko i sanap 48-0. Las 3pela minits i stap long pilai bai pinis, Asiah Siune bilong TNA Lions i kisim wanpela lna bal klostu long trai lain bilong Gurias na skorim wanpela trai. Ol i kik igo insait long kisim sko 48-6 long taim pilai i pinis.

Ol etlit bilong yumi sanap strong



TOEA Wisil, meri husat i gat sans long soim strong bilong kantri long ron bilong em, i wok long tren strong long redi long ol ron bilong em long dispela wik.

Tasol i no em tasol i wok long givim olgeta strong na tingting bilong em long mekim gut long Olimpiks.

Dispela wik long Sande, strongmeri bilong wetlifting Dika Toua na Raymond Ovinou i bin makim kantri.

Raymond Ovinou i bin pait insait long 66kg divisen long Judo.

Em i bin pait agensim wanpela man Armenia, tasol dispela man Armenia i bin winim em.

Dika yet i bin resis in-

sait long 53kg divisen bilong wetlifting.

Ol wan tim-PNG lain bilong em i wok redi long pilai tude.

Long Swimming, Golden Pis bilong yumi Ryan Pini, bai brukim wara tude, na ol spidmanmeri bilong yumi tu bai lainap agensim ol arapela spidmanmeri bilong wol.

INSAIT:

- LONDON 2012 OLIMPIKS: p14
- NRL NIUS: p26

REDI: Em i mekim nem pinis olem namba wan spidmeri long Pasifik, na nau, spid meri bilong yumi Toea Wisil bai ron agensim ol spidmanmeri bilong olgeta arapela kantri long wol. Long dispela as tasol, na em i wok long tren hat long London.

All Sport and First Aid requirements.

**P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."**